

VINDICIÆ 12
D. JOANNIS FRANCISCI
DE LADERSOUS

LOVANI

IN PÆDAGOGIO PORCENSI

PHILOSOPHIÆ PROFESSORIS

ADVERSUS ITERATAS CALUMNIAS

P. GERARDI BOLCK

SOCIETATIS JESU.

CUM DIGRESSIONIBUS

AD

EXIMIUM PATREM

PETRUM CLENAERTS

SACRÆ THEOLOGIÆ DOCTOREM

Et larvatum ejus Vindicem, Theologum Academicum.

THE NEW YORK

LIBRARY

OF THE

NEW YORK

LIBRARY

OF THE

NEW YORK

LIBRARY

OF THE

NEW YORK

OF

THE NEW YORK

LIBRARY

OF THE

NEW YORK

P R Æ F A T I O

Iustificationem meam, quam capi tenere, non deferam. Job. 27. V. 6.

ADsum, *mi Gerarde*, iteratas tuas Calumnias audire, ac refellere paratus: quæ quidem non commoverunt me usque adeo, ut differendum propter eas esset negotium urgentius. Prius etiam rescribendum duxi Sodalibus tuis PP. Van Outers, Maes &c. ut qui priores tempore scriptionis, potiores erant jure responsionis. Altera silentii mei causa fuit, quod contentionem nostram, quam non ignoras aliundè in jus vocatam, non tam privato meo scripto, quam publico jure terminandam expectarim: at, cum adhuc sub iudice lis sit, opinionem meam fefellit eventus, nec ultteriores moras fert. Cum enim jam aliquot mensium spatium ad meam usque responsionem labi passus sim, Tu interim, tuique sodales, tacente me, plenis buccis, tum verbo, tum scripto, qua clam, qua palam inanem triumphum cecinere ante classicum, perguntque canere, quia necdum respondeo. Calumniosum in me libellum nuper emisisti in lucem publicam, apud primarios homines venditasti, obviis quibusque ostentas, mulierculis explanas. *Infamis impostor, mendax publicus*, passim ac diu traductus sum: ubi tantum veritati ac mihi auxilium pararam. Imo ipsæ mulierculæ immodicæ præcones, atque illæ imprimis quas devotas seu vestales vestras dicunt, de hoc libello tuo confidenter, quamvis imperitè garriunt; nec me impostorem publicum, & infamem calumniatorem garrula muliercularum loquacitas tacet. Res inquam hæc usque adeo nota est omnibus, ut domi in Gymnasiis Vestris & Scholis Litterariis, ipsis elementariis pueris: foris lippis & tonsoribus fabula sim. Et hæc quidem inanes glo-

riationes tuæ, è vicinis disitisque locis quotidie ad me deferuntur. Sic temerè sperasti me edito Libello tuo apud omnes condemnatum iri sine defensionis Voce. Libellum hunc; quo nupero meo scripto respondisse videri vis, inscribis *Scriptiuncula Apologetica P. Gerardi Bolck Societatis Jesu, adversus iteratas calumnias super negotio Famosi Formularis D. DeLadersous in Padagogio Porcensi Lovanii Philosophia Professoris*. Sed hæc ipsa non nisi iteratas Calumnias Protendit: dum partim retortas ineptias, & dudum confutatas calumnias rememoras: Ut cum nihil habeas quod respondeas, me nihil dixisse præ te feras. partim non nulla alto silentio premis, quæ seriâ refutatione premere non vales. Partim præstigiosum hinc inde dicendi genus inseris, quo infelices pagellas commaculas, ut cum solidè respondere non possis, saltem rescripsisse glorieris. Cohibes tamen nonnihil motum animi, verborumque apertam atrocitatem, ut pudenter impudens videaris. Sales, lepôres, veneres sermonis, Tragica apophtegmata non inspergis, nec Sodalem tuum P. Van Outers in humanæ sapientiæ verbis æmularis. Hinc & ego Te LADERSOUSABO modestius. Minervâ scribens rudior, operosam sermonis venustatem non sectaris, nec in inferioribus litterulis studium ponis. Ob quod *Hallensi Apollini* Sodali tuo P. Van Outers vapulasse diceris: quod parùm Latinè, parùm eleganter, stylo scripseris *Jesuitâ* minus digno: adeo ut ad *Hallensem Parnassum*, Apollinis illius judicio relegandus sis. Scriptiunculam tuam in quatuor articulos dividis, quos singulos percurrendo, Vindicias meas visum est quadripartiri: ut ex subjectis ad singulas partes responsionibus, Benevolus Lector planius de re tota existimet, & æquius pronuntiet.

Salitudo le 10 carte de regions, et terra la con-
 tinuatione del presente opuscolo, come si può vè. R E S-
 contrare dal richiamo e dalla segnatura, conchi-
 del sommervogel 6.I cl. 1610

R E S P O N S I O

A D

ARTICULUM PRIMUM.

FRons primi articuli est *Fidelis narratio eorum quæ occasionem præbuerunt D. Francisco De Ladersous spargendi calumniosum Libellum*. Sed quàm infideliter plurima, *mi Gerarde*, dum sine fide, sine teste, solâ tuâ affirmatione allegas omnia. Quorum prolixam conficis battologiam, ad triplicem hunc redigo ordinem: ut quædam publicam Lovanii disputationem de 17. Junii antecesserint, quædam in illa ipsa gesta, alia eandem sint subsecuta. Perstringamus singula brevius, & fidelius.

Num. 1. Offendis in limine, dum te palam clancularium Illustrissimi Archiepiscopi Mechliniensis examinatorem deprædicas. Dicat hoc alius. Eodem pene modo quo in sua ad me Epistola Sodalit tuus P. Van Outers te Amplissimo Abbati Diligemensi à Confessionibus esse ostendat. Sane numquam mihi tam blandè loquêris, ut in animum inducam meum, Amplissimum Dom. Diligemensem *rogasse Te*, ut pro clanculari Religiosi sui *examine instares* apud Illustrissimum. Nec enim inter RR. DD. Diligemenses novi (novi autem optimè, quibus per annos plures Theologiam prælegi) qui publicum & consuetum Amplissimorum DD. examen declinet.

Quam dein fide tuâ, à pagina prima usque ad calcem 2. historiam attexis eorum, quæ disputationem præcesserant, nihil, aut parum ad rhombum facit. Quàm in his enarrandis variâ fluxâque fide verferis, dum tempora confundis, disparata facta committis, ultimis prima & primis ultima commisces, ex aliorum fide & testimonio, ne ad nauseam idem repetam, ad Articulum tertium planum fiet.

Num. 2. A calce paginæ 2. usque ad medium 5. eorum quæ in disputatione peracta sunt, fusiorem enarrationem sine fide vel teste instituis. Sed quid Tibi tempus & operam perdis, Typographo chartam; cum in primo scripto meo utriusque disputationis matutinæ & pomeridianæ relationem claram & fidelem legas, supra 21. testium autoritate confirmatam. Cum & in illo utriusque facti discussionem habeas, eorumque expositionem, quæ ad rem nostram faciunt. Hanc adi, Tuum

B

est

est saltem 20. testium fidei deferre & authoritati acquiescere. Sed tuâ fide aliam longè historiam omnibus venditare placuit, ut me apud omnes in offensionem adduceres. Dum falsa allegas, dissimulas vera, dicta mutilas, dictorum lacinias corradis: dum ea expungis quæ ad conciliandam causæ meæ æquitatem, ea exprimis, quibus invidiam fieri mihi posse sperasti. Mitto plurima, pauca prælibans.

Paginâ scriptiunculæ tuæ 2. fingis primò, quod disputationis Præses nonnulla dixerit de *Jansenistarum mendaciis ac imposturis*: cum de Jansenistis ne vel verbum inciderit. Sed de Eximiis Dominis Doctoribus Lovaniensibus Præses disertè egit: dum publicè & confidenter effutire non erubuit (prout in facto meo ultra 20. attestantur,) quod *Eximii illi mendaces, impostores sint, non tantum utentes restrictione mentali sed splendidissima mendacia spargentes*. Nisi quos ille mendaces & impostores publicè dixit, hos tu Eximios DD. Doctores Lovanienses *Jansenistas & hæreticos* palam scribas.

Dein ad invidiam meam subdolè insinuas, quod *hæc stomachum ac bilem moverint Francisco De Luderfous, quando pro Jansenistis de mendaciis ac imposturis publicè accusatis, tanquam Cicero pro domo sua acturus, &c.* Hoc dum scribis & spargis, calumniaris apertissimè. Solum pro fide & auctoritate Eximiorum Dominorum ut debui, steti, & dum vivam, stabo fortiter. Unum hoc comiter opposui, ut in primo scripto meo confirmatum legis, Eximios illos apud omnes Eximiæ & integræ fidei viros pessimè hac in parte ut *mendaces & impostores* traduci. Id ipsum Disputationis Præses in nupera sua contra Me Appendice favetur scribens Ironicè. *In hoc Viro suum habent Doctores Primarii Academiæ Lovaniensis vindicem invictissimum . . . Doctorum Academicorum videri voluit esse vindicem Gloriosus.* Quâ tu igitur fide, mi Gerarde, quâ fronte Jansenistarum me insimulas acerrimum vindicem?

Dum ita ego pro fide Eximiorum Dominorum stare, Præses animosior factus impactas in illos calumnias geminare, meque, quod eorum partes tuerer, excipere inclementius. Quibus pene violentiam passus repositui, ipsorum aliquem redarguendum potius quod in negotio Famosi Formularis fraudulenter processisset: qui ut formularis subscriptionem ab Amplissimis DD. Prælatibus obtinere posset, huic istum, isti hunc ad subscribendum paratum esse imposuit. Unum hoc ex vero & fide bonâ retuli, prout in primo scripto ostensum est. Hoc tu dictum meum fallacissimè detorques dum ais: *Volens ostendere Jesuitas potius vocandos esse mendaces ac impostores*, cum nonnisi de Te uno relatum scias: adeoque unius è grege lapsus toti cætui à me malitiosè attributum imponis.

Hæc

Hæc manè. Eorum verò quæ privatim in Collegio gesta narras, eorum inquam penes te, fides esto, ego omnem fidem non habeo.

Pomeridianæ dein disputationis Epitomen fallaciter astruisti: dum vim & seriem altercationis nostræ totam invertis & ab occasione quâ dicta sunt quædam avellis, ut videantur odiosiora. Cum enim à meridie disputationis Præses repetitis me calumniis impeteret acrius, innotans aut illum aliquem ex Societate designandum, aut me publicum mendacem ac impostorem proclamandum: renuente me palam nominatim appellare, intelligenti pauca indicatum Te volui. Ad hoc ipse tibi conscius extra chorum inclamabas, *ergo ego sum*. Tu dixisti mi Gerarde. Hic me *Jansenistam mentientem, in cerebro Jansenistico fingentem, fide Jansenistica asserentem* vociferaberis. Insultatione Tuâ compulsus vel invitatus mihi & veritati paravi auxilium. Igitur Amplissimos DD. Diligensem & frigidum Montis designavi quibuscum in subscriptione formularis actum foret. Instanti cujus id fide & autoritate assererem, reposui id me ex ore Amplissimorum DD. Diligensis & Grimbergensis referre. Hæc in primo scripto meo deducta latius habes & probata.

Hic tua se prodit vafrities dum Prælatum Grimbergensem à me iteratò nominatum constanter fingis: quem semel, ægrè nominavi, adeo ut de confesso etiam mihi vicinissimi, ne tu ipse quidem à me nominatum perceiveris. Dein falsò rursus imponis, Amplissimum Grimbergensem à me designatum quem sæpius convenisses ut formularis subscriptionem eliceret, cum planè & rotundè unum hoc à me dictum scias, quod de Amplissimis Frigidi Montis & Diligensi asserta ex ore Amplissimi Grimbergensis præsentis D. De Cock Philosophiæ Professore perceperim. Cur id modo dissimulas & tuâ fide negas quod in primo scripto meo duodecim testium fide & autoritate habes confirmatum. Habe rursus: tunc oppugnans Amplissimos DD. Prælatos Diligensem & Frigidum Montis allegavit, quibuscum taliter in negotio formularis actum fuisset. Petiit, an hoc ipsi assererent? Respondit, ut sæpe ante, oppugnans, ita se ab Amplissimis DD. Prælati intellexisse, scilicet ab Amplissimo Diligensi, & alio tertio Amplissimo. Dum instaret quis ille foret Prælati tertius, Oppugnans Amplissimum D. Grimbergensem designavit, à quo etiam se id ipsum audivisse asseruit.

Post hæc homini isti Evangelico Marci 9. non absimilis spumans, stridens dentibus, in fide Sacerdotis pernegabas omnia; nescio quæ in me convitia & dicta coacervans auditorium interpellabas hac bardâ phrasi: *Videte non habet pudorem in facie*. Ita est, Mi Gerarde, Veritatis testimonium non erubui. Erubuisti, salva res est: ad Calumnias & dicta tua obmutui, ne verbulum reponeris; unum hoc & summum dixi,

ut in facto meo subscribunt omnes. *Quod denique oppugnans ultimis his verbis concluderis : Quidquid sis, quod Reverentia Vestra taliter processeris, dico me ex Amplissimis DD. Diligemensi & Grimbergensi præsente Confratre meo intellexisse. ad quorum fidem appello & sisto.*

Num. 3. A folio quinto usque ad calcem articuli ea persequeris, quæ post disputationem gesta concernunt. Plurima non moror quæ ad rem non pertinent, & tuâ fide comminisceris. *Interea, inquis, Bruxellis me accessit D. Ladersous ex consilio ut aiebat multorum amicorum.* Ita est Mi Pater, non diffidens æquitati causæ meæ, sed ut famæ & æstimationi tuæ consulere, ut nomini & auctoritati Amplissimorum DD. qui in scenam venerant, parceretur, accessi te. Exposui quod ex multorum amicorum consilio, etiam Tuorum quos nominabam, nihil intentarem aut jure publico aut privato scripto : etsi pro justâ meâ defensione possem, & ad multorum instantiam deberem. Referebam quod hac super re cum Amplissimo Diligemensi contulissem pluribus, qui hanc contentionem nostram intra scholæ parietes natam, intra eisdem utrimque suadebatextinguendam. Amplissimi hujus Viri nomen & auctoritatem, facta mihi potestate, apud te interponebam. Acquiescere videbaris vel videri volebas, dum & Te Amplissimo huic Viro longo amicitia: usu copulatum ja:ctitabas, Plura inter nos verba censeruimus & animo certè (nisi tunc quoque dissimulares) nec alieno nec infenso. Lovanium redux rem gestam pluribus, tuis ipsis amicis fideliter refero : gaudebant illi nostram hanc contentionem sopitam mecum persuasi.

At ecce, post dies pauculos spargi cœpta est calumniola scheda, platarum angulis, portarum valvis affixa, venum exposita publicè, quæ per omnium manus & ora volitavit. In hac de *Splendidis mendaciis convicius* proclamor & quod ex vero & fide bonâ retuli, ut *splendidum, purum putum mendacium, mera calunnia, contumelia*, calumniosè traducitur. *Mendax, impostor, calumniator* audio apud summos infimosque. Ita me à quo non modo læsus, sed tantâ humanitate affectus es, lacestisti, adorfus es. Ego te hortatu meo, aliorum consilio & autoritate, rebus tuis consulens, ad silentium pellicere volui. Tu vero urbanitate istâ meâ fidentior factus, quasi ego tela tua refugerem in lucem exire maluisti : & apud illos disceptare apud quos & tibi sperandam & mihi metuendam sine defensionis voce condemnationem frustra putabas. Sanè cum te amicè convenerim, magna mihi fuit causa querendi cur laborem non necessarium & in me iniquum subiisses. Mirari satis non potui, Virum Theologum, Religiosum, Sacerdotem ita stimulari posse, ut meo nomine ad invidiam & pompam abuti vellet. Ubi gratiam habere debebas, quod famæ tuæ silentio meo suffragaretur. At

At, inquires, famæ meæ & existimationis interest, dum quæ in disputatione rerulisti, calumniosè mihi affinxisti. Impostura scripto publico detegenda erat, diluenda calumnia. Ita, mi Gerarde, veritatem tantisper offuscari posse sperasti, famæ tuæ consulere volens, sed temerè & imprudenter. Plures possem easque graviore etiam hodiernas contentiones recensere, quas occasione publicarum disputationum Jesuitas inter aliosque, tum Sæculares, tum Regulares, subortas novimus. Sed quas audivimus intra scholæ parietes ortas, inter eosdem sopitas scimus. Ut quid ergo contentionem hanc nostram ex nulla aliquam, & ex privata intra scholam, publicam omnibus fecisti? Dein, si quæ de Rria Vestra ex vero & fide bonâ retuli, in speciem injuriola videbantur, plenè omnis injuriæ & calumniæ nota absterfa erat, dum in fide Sacerdotis pernegabas omnia: & me coram eodem frequentissimo confessu, *mendacem, impostorem, calumniatorem* ad ravinum ingeminabas. Quid Tuâ intererat ut scripto publico famam redimere æquum censeret? solo silentio defungebaris: dum me silente, constitisset tibi satis fama apud omnes. Meum erat, cum tunc alius non esset defensionis locus, jure, vel scripto publico fidem meam præstare, teterrimæ calumniæ imposturam, mendacii maculam amoliri: & hæc tamen alto pressissem silentio, nec quidquam jure aut scripto attentare Decretum erat: etiam ut Tuæ consulere, famæ meæ jacturam faciens. Neque hæc te latebant; meminisse potes cum te Bruxellis conveni, mihi in animo non fuisse responsi quidquam edere, & hoc unum tibi à me responsi esse allatum. Qua igitur charitatis umbrâ, quo justitiæ colore, cui bono calumniosam in me scedam eruis in lucem publicam? Nusquam animosius insultans, quam ubi manifestius teneris.

Verùm, ut ais, *me fortè imaginatus fueras scedulæ impressæ autorem*. Sic calumniosæ schedæ Authoris nomen refugis & erubescis. Nec mirum, cum non scis nescius, plus dedecere Theologum, Religiosum, Sacerdotem levissimè hoc certamen concitasse, quam in eo cecidisse. Ego te, mi Gerarde, & mecum lector omnis, & Tuus ipse Sodalis P. Van Ourers infamis scedæ Authorem recognoscimus. Quid ergo? Tuus hic Sodalis, quite teste *Vir sincerus ac fide dignus ab omnibus habetur*, autorem te ait, tu negas. Utri Jesuitæ crediderim? scedulæ credo quæ autorem Te plus satis prodit. Excùlas interim, dum ita scribis *mitto igitur quantocius testimonia Amplif. Grimbergensis & Frigidî Montis, adjungo unum canonem adversus calumniatores, & paucula qua festino calamo conjiciebam in chartam. Aliquis Lovanii meo nec jussu, nec rogatu scripsit & imprimi curavit Schedulam*: Quam bellas bullas fundis! Quis crederet in hac elaboranda schedula alium aliquem Sodalium Tuum, aut plures ingeniis conspirasse, qui à te submissa testimonia, Canonem adversus Calumniatores, & paucula in chartam conjecta, in ordinem

dinem redigerent, & venustate sermonis scilicet expolirent. Næ tu lepidus es homo mi Gerarde? Qui te ipsum Auctorem negas, & alium Sodalium tuum astruis, quod à Te submissa correctius exscripserit, & Te absente Lovanii imprimi curaverit. Quid ni ipsum Typographum Auctorem rectius dixeris? Quia impressit.

Hac igitur infami schedâ Tuâ Tuorumque Sodalium, laceffitum me & silentem confidentius triumphasti, ac triumphi Tui sonitu tandem ad pugnam vel invitum eliciuisti. Ego Te numquam ad scribendum lacessivi: nec in familiari isto congressu quidquam dixi, quod te merito stimularet, aut à modestia, vel Te Judice dissideret. Tunc demum silentium penè obstinatum solvi, postquam me, nequidem schedulâ istâ publicâ satis commotum, gloriando & ovando ad necessariam responsonem tandem perculisti. S. HIERONYMI Epist. ad Pamm. adversus errores Joannis Hieros. Securus concilium & mandatum: *Stultum est frustra infamiam sustinere: obijcitur ei crimen cujus non habet conscientiam, ergo crimen quod totum pendet in Verbo neget confidenter, ac liberè faciat invidiam adversario suo; eâdem audaciâ quâ ille insinuat, hic defendat.*

Sic liquidius constat me in suscepta defensione, quam primo scripto meo exhibui, nullo meo affectui indulxisse, omninoque nihilâ me cupide factum quivis intelligit. Vel enim Gloriationi Tuæ assentiendum mihi ipso silentio, vel apertè obistendum fuit. Ego tantum schedæ Tuæ respondi & calumniæ vadimonium quod tu mihi denuntiasti, obivi. Refellendæ calumniæ laborem veritati & fidei meæ, quam tueri debebam negare non potui. Ita Te tibi, mi Gerarde inimiciorem fateri debes, quam me, cujus justam defensionem publicâ schedâ quiritabar: ut non solum tuæ in me scriptiõis, sed & in Te meæ author sis dicendus.

Rursus in certamen vocor: dum post refutatas per primum scriptum meum calumnias, alteram *scriptiunculam Apologeticam*, tua vendicatione publicam, meâ hâc responsiunculâ publicare cogor; quod quidem, cum Tu nihil ab incæpto desisteres, consilium necessarium capivi, quæ serò admodum ratum fuit ac fixum: nimirum multò postquam reliquas meas ad sodales Tuos responsones edidi. Certum diu fuit solum silentium opponere ut *neglecta exolescerent*: Sed cum inanes gloriationes Tuæ ad invidiam meam quotidie percrebrescant magis, alteram & ego camque justam & necessariam defensionem aggredior. Dum ex vero & fide bonâ in disputatione relata, in primo scripto meo satis probata, uberius demonstrò iteratas tuas calumnias plenius refellens. Tu interim, mi Gerarde, patere, ut inani gloriationi tuæ non molestus obstrepam.

R E S P O N S I O

A D

A R T I C U L U M I I.

ARgumentum secundi articuli est. *D. de Laderfous de calumnia convictus*. Quid modestius, quid urbanius? Sed nil minus probat in articulo, quam quod in titulo probandum assumpserat. Tria agit. Primum factum præmittit cui septem ordine testes subscribunt. Dein ex facto tria se manifestè deducere prætendit. Denique sicuti in fronte exordiens, ita in calce finiens concludit, *manifesta est igitur Calumnia D. Laderfous*. Hunc proinde articulum syllogisticè expono, ut *assumptum* sit factum quod adducit, *subsumptum* sint tria quæ ex eo colligit, *Conclusio* titulus *De Laderfous de Calumnia convictus*. Verum ut omnibus pateat consequentiæ infirmitas & conclusionis fallitas, *assumptum* & *subsumptum* paucis discutio.

Assumptum tuum, mi Gerarde, seu factum prout à te allegatum pernego prout à subscribentibus limitatum, concedo. Nolim enim ego contra testes excipere, quamvis fortè jure contra nonnullos possem. Ad concessæ partis elucidationem, observariunculas has pauculas subjicio.

1. Quod hæc facti species alia longè sit ab illa, quam in prima tua scheda sine fide, sine teste, omnibus subdole & calumniosè mihi imposueras: sed nullam de hoc controversiam facis, silentium opponens tuum, cum collatum utrimque factum tibi ora obstruat.

2. Quod unus ex P. Clenaerts primus ordine facto subscribat ad litteram: motu proprio superaddens (ut narrativa sit fidelis & sincera) *addidit Doctissimus D. Oppugnans particulam mendaciter*. Reliqui verò testes omnes, facti speciem attestationibus suis plurimum immutant, restringunt, limitant &c.

3. Subscribens ordine secundus R. adm. ac Erud. mus D. NICOLAUS PAUWELIUS S. T. L. ac Professor ordinarius, Collegii Atrebatensis Præses, ac Plebanus Lovaniensis, magnæ notæ ac famæ Vir, multisque inclytus clientelis, mihi de toto consensu vicinissimus, ab exordio præsens, altè intendens, subscriptione suâ quod Principem causam attinet testatur nihil: sed oppositum per omnia insinuat, dum ait, *primò quod nesciam utrum Patrem Bolck nominaverit. Tertio, utrum dixerit an R. P. Bolck acceperit Prælatum Grimbergensem an verò quod Grimbergenfis, hoc concernens reliquos duos Abbates, ipsi Laderfous narraverit*. In hujus, mi Gerarde, palmarii tui testis fide & autoritate allegatum factum plenè admitto lubens.

4. Ex. P. *Du Jardin* Ordine tertius, qui solum post meridiem interfuit, factum tuum testari paratus est *saltem quoad substantialia & quoad illa quæ maximè ad rem faciunt*; ut ipse loquitur.

5. Ne vel verbum contra me deponit testis tuus quartus fr. *N. de Ber-
teuchamps* Ord. FF. minorum S. T. Lector. cum testetur *in quantum* ut ait *concernunt facta & dicta tempore matutino*; adeoque pauculis tuisioris facti lineis in exordio vix subscribit; & cum idem ille facto meo antemeridiano planius exposito subscripserit, facile nos inter de hoc tuo teste convenit.

6. Denique quem quinto loco adducis testem P. Bonaventuram van Dyck Ord. FF. Min. Theologiæ Lectorem in facto tuo *narrata quoad substantiam contigisse* solum deponit. Ordine sextus & septimus factum tuum variè restringunt: dum varia exprimunt quæ à se audita negant. Itaque totius facti tui plena fides penes unum est *fidelem & sincerum P. Clenartium* qui omnibus subscribit ad litteram. De quo digressionem meam infracontule.

N. 2. Atque ex his ad tripartitum *subsumptum* via strata est, ut eorum quæ ex discussio facto tibi *manifesta sunt*, fallitas omnibus manifestè appareat.

Ex hoc facto, inquis, est manifestum, 1. D. Laderfous asseruisse in eo me nequiter ac fraudulenter egisse, quod tres Prælatos scilicet *Frigidi Montis, Grimb-
bergensem, & Diligensem* sæpius convenissem, ac decepissem in negotio *formu-
laris*. Distinguo, mi Gerarde, id manifestum est ex facto à Te allegato, transeat. Manifestum est ex facto prout ab aliis subscritto, nego. Cum enim ex præmissis observatiunculis alii à meridie non interfuerint, alii etiam præsentibus hoc à se audiri negent, vel nesciant, reliqui quoad substantialia solum deponant; Qua specie, quod deducis manifestum sit, nullus video. Verùm largiar liberalius, *in substantia* subscribant omnes: res nostra capitalis est, à me relatum è Societate aliquem, ut ab Amplissimis DD. Prælatibus subscriptionem famosi formularis obtinere posset, huic istum, isti hunc ad subscribendum paratum esse falsò asseruisse: Quod in facto meo facile 20. testes attestantur. Sic dum in tertio Prælato ludis & imponis, substantiam linquens umbram prendis. Quid enim ad principem causam attingit, sic cum Prælato tertio, quarto, aut quinto pariter egeris, non egeris. Modo cum duobus ita actum concedas, de tertio & quarto nego tecum. Sanè exilis hæc vitiligatio est, arque unicum, quo te bellè tueri posse existimas effugium, dum te aliundè contritum vides.

Et verò id à me, de duobus tantum relatum, planum sit omnibus ex facto meo pomeridiano, cui tredecim ordine testes subscribunt: inter quos illi ipsi tres, qui facto tuo *quoad substantiam* subscribentes, facto meo dum dein subscribunt, substantialia planius exponunt. Deinde in primo scripto
meo

meo sub titulo, *calumnia retorta circa Amplissimum D. Prælatum Grimbergensem*, ostendi pluribus nequaquam à me asseritum, quod Prælatum Grimbergensem convenisses umquam. Unum hoc & summum ægre dixi, quod cum duobus Prælati aliis taliter in negotio Formularis egisses, id ipsum me ab Amplissimo D. Grimbergenſi excepisse: quod ex pomeridiano meo facto planum fit: dum ordine 12. unum hoc à me dictum testantur: quod denique oppugnans ultimis his verbis concluderit. *Quidquid sit quod Reverentia Vēstra taliter processerit, dico me ex Amplissimis DD. Diligemenſi & Grimbergenſi præſente Confratre meo intellexisse.* Quod itaque reproducis Amplif. DD. Grimbergenſis & Frigidi Montis testimonium, jam in primo scripto meo plenè concessum, & modo tranſeat: cum ut ibidem ostendi pluribus, ad rem nostram minus pertineat.

Ex facto supra expreſſo, inquis, manifestum est secundo D. Ladersous asseruisse, in eo quoque me nequiter ac fraudulenter egisse, quod Amplissimo Diligemenſi perſuaſiſſem, quod ipſe De Ladersons paratus eſſet jurare in formulare. Id à te dictum eſſe in ipſa diſputatione, & hac tua ſcriptiuncula ingenuè confiteris. Id nequiter ac fraudulenter factum eſſe Diſputationis Præſes rectè admittit: & quivis ſatis intelligit, dum hoc à Te telatum attendit, ut Ampliſſimum D. Diligemenſem (quem nullis modis aut artibus, ſcis quibus, potueras hætenus) ad formularis ſubſcriptionem ſubdolè induceres: inſtabas his verbis: *Quid? ipſum de Ladersous nunc in Pædagogio Porcenſi Philoſophiæ Profeſſorem, & quondam apud vos Theologiæ lectorem, certus ſum paratum eſſe jurare in formulare, ubi id ab ipſo exigeretur.* Sed fidem omnem non habuit Vir Ampliſſimus.

Verum, inquis, nec in hoc egi nequiter ac fraudulenter, nam id dixi ad ejus commendationem. Gratiam habeo certè quod famæ meæ hoc loco laudique ſuſtrageris: uſinam Tu nobis pariter liceret. Sed Quid Tu ad meam commendationem dixi, qui me de Lectoratu Diligemenſi dimovendum non ſemel ſed incaſſum ſuggeſſeras: qui & tunc quidem cum hæc diceres, non optimè de me ſentiebas. Sic enim habes articulo primo: *Nam ut verum fatear, non optimè de ipſo ſentiebam.*

Sed dixi ex ore inquis, ipſius quondam Magiſtri P. Emmanuelis Van Outers. Hic fidem liberas, dum hujus Sodalis tui testimonium adducis. Sed, qui tibi Præſidio eſſe contendit, ſuam viciffim fidem & Veritatem præſtare ipſe cogitur. De quo alias ſatis ſuperque actum eſt, Primi mei ſcripti titulo ultimo, Epistolâ meâ ad P. Van Outers, & in nupera mantiſſa ad *Mofianum Symbolum.*

Verum, mi Gerarde, ſi nec nequiter nec fraudulenter, ſed fide bonâ egeris hæc de me in fide unius Sodalis tui referendo, plus ego fide egi optimâ, dum plurimorum fide & authoritate confirmata, in nupera Diſputatione retuli & primo ſcripto meo relata probavi.

Ex facto supra expresse manifestum est. Tibi tertio, D. Ladersous asseruisse id quod dixerat certum, cognitumque sibi esse tum ex litteris ad se datis, tum immediate ex ipsis Prælatiis. Fateor ac fatius sum id quod de Te retuli, ut ipse insinuas, fide optimâ retuli: scilicet ex variis ad me datis amicorum litteris intellexeram, Bruxellis præsens à plurimis fide dignis, ipsis Religiosis, aliisque Prælatorum familiaribus amicis exceperam. Lovanii à magnæ notæ Viris confirmatum audiebam. Denique immediate ex ipsis Prælatiis scilicet Diligemenſi & Grimbergenſi, præſente D. De Cock. Philoſophiæ Professore conſtanter intellexeram. De quibus articulo ſequenti opportuniùs.

Num. 3. Conclusio tandem articuli Theſis eſt tituli *manifesta eſt igitur calumnia D. Ladersous.* Sanè *manifesta* eſt ex dictis ſequelæ infirmitas, & *conclusionis falſitas*: cùm ex diſcuſſione antecedentis planè corruat, quod in me invidioſo conſequenti jaciſ. Argumenti vitia in forma & materia, facile dabit paucorum dierum Dialecticus.

Nunc meum, mi Gerarde, bonæ formæ & materiæ breve argumentum habe. Ex prima ſcheda tua *manifestum eſt* quod longè aliud factum ſine fide, ſine teſte ſubſtitueris. Ex ſecunda hac ſcriptiuncula *manifestum eſt* quod ex ſubſcripto facto peſſimè colligendo imponas. Per te fluit conſequentia. *Manifesta eſt igitur calumnia P. Bohk.*

R E S P O N S I O

A D

A R T I C U L U M III.

Articulus 3 inſcribitur *Ca'munia à D. Ladersous non retorta ſed aucta* vehementer. Incipit, *D. Ladersous quoniam lingua ceperat eſſe impudens calumniator, calamo pergit eſſe impudentior*: Enim ve, ò per humaniter. Sed hæc calumnioſè vociferando, calumniam fruſtra amoliri niteris, altius vulnus adigis, efficiſque quo minus ducat cicatricem. Dum enim calumniarum Tuarum memoria, vel tempore ipſo evanuerat, *neglecta exoleſcunt*, hic ipſe refricas & novum probandi onus vel invito mihi imponiſ. Ut autem vehementer auctam probes calumniam, prioris ſubſumpti partem primam reſumis, pergis paulò diſtinctius, & ad tres Prælatos, qui in ſcenam venerant ſingularim deſcendiſ. Hic princeps cauſa agitur. Pedem conſideramus.

Num. 1. Infeliciter ordiriſ à Præſato Grimbergenſi, de quo ruſum ad

nav-

nauseam infimulas, dixisse me quod Virum hunc *Sæpius conveneris ac decerperis in negotio Formularis*. Cramben sæpe nimis ad fastidium recoquis. Id enim plus satis in primo scripto meo longè refutatum habes. Ad præcedentem articulum ostensum est id neque ex facto tuo colligi, prout testes subscipsere, & in facto meo oppositum planius exprimi. Unum hoc dixi & dico modo, non Te, *Mi Gerarde*, Amplissimum Grimbergenlem in negotio Formularis circumvenisse; sed ex ejus ore, præsentem D. De Cock Philosophiæ Professore percepisse me, quod de duobus Prælati aliis fideliter narravi. In quo igitur quam justè retorsi, *Veheementer auxi calumniam?*

Num. 2. Speculo: pergis ad Amplissimum Frigidi Montis, & ad rem nostram propius accedis. Sequar lubens. Hic nos inter facile de facto convenit, scilicet à me relatum optimo huic Viro in subscriptione famosi Formularis (qui inter Belgii Prælatos subscripsit unicus) obreptum esse, & à Te impositum. Quod quidem ut Bruxellis publicè notum, à plurimis, ab ipsis Religiosis, aliisque Amplissimi Viri familiaribus amicis audiveram: ex variis ad me datis litteris confirmatum intellexeram: ab ipsis Amplissimis DD. Prælati Diligenti & Grimbergenli constanter exceperam. Atque horum plene fidem præstiti, dum in primo scripto meo hæc produxi testimonia

Ego Infra-scriptus profiteor ac testor me 21. Maii 1692. ea quæ supra recensentur, ex ore Amplissimi Domini Prælati Diligenti (præsentem Domino De Ladersous) audivisse. Dabam Lovanii 18. Julii 1692.

JUDOCUS DE COCK Philosophiæ Professor.

Infra-scriptus profiteor ac testor me ea, quæ supra testatus sum audivisse ex ore Amplissimi Abbatis Diligenti etiam quoad substantiam (præsentem D. De Ladersous) audivisse ex ore Amplissimi Domini Abbatis Grimbergenlis. Dabam Lovanii 18. Julii 1692.

JUDOCUS DE COCK Philosophiæ Professor.

Infra-scriptus S. T. L. & Pastor S. Joannis in Molenbeca, & S. Catharinæ Bruxellis ad instantiam Doctissimi D. N. De Ladersous Professoris in Pædagogio Porcensi, & in favorem justitiæ declaro, paratus etiam solemnem juramentum, si opus fuerit, affirmare, Reverendum admodum ac Amplissimum D. Abbatem Frigidi Montis mihi in terminis dixisse, die decimâ octavâ Junii novissimæ se fuisse deceptum in subsignatione famosi Formularis circa V. Propositiones Janensis: & Reverendum Patrem Bolck de Societate Jesu dixisse uni Religioso præfati Monasterii Frigidi Montis, Amplissimum Dominum Abbatem Diligentem paratum esse ad subsignandum prædictum Formulæ. Datum Bruxellis 17. Julii 1692.

• GUIL. VANDE NESSE.

Ad hæc omnia, inquis, respondeo Verbis Amplissimi Prælati, ejusque testimonium (scis quibus artibus obrentum, nec me later omnino) subjicis, concludens Satis opinor de Calumnia Convictus est Laderfous.

Hic invitatus adigor, ut quæ in hac parte verissima sunt omnibus pandam, alias dissimulaturus. Non enim solum ipse peior, sed Amplissimorum DD. fidem & veritatem ex quorum ore retuli, Domini de Cock qui me præsentem relatum testatur, D. Vande Nefse qui ex ore ipsius Amplissimi Frigidi Montis id se excepiisse deponit, præstare cogor. Quid hic censere debeat ex subjectis testimoniis (plures habeo in hanc rem testes Viros graves, qui veritatis testimonium refugiunt hætenus, ubi opus in judicio adi-gendos) pronuntiet eruditus atque æquus lector.

DOCTISSIME DOMINE

Incidit in manus meas scriptiuncula Apologetica R. P. Gerardi Bolck, in qua dum vidi testimonium Reverendi Admodum ac Amplissimi Domini Abbatis Frigidi Montis, quo ille negat à se dicta, inter alia etiam ea quæ à me asserta sunt, & Apologiæ vestræ inserta, vehementer obstupui; & vehementius, dum in Libello Famoso confutatio insignis calumniæ &c. me traduci video ut perfidum & perjurum, aliosque S. Augustini discipulos in me eodem fligmate notatos; non mihi prurire animus injuriam injuriæ reddere, sed quam sit infundata, temeraria & injuriosa consequentia, facile Dominatio Vestra & quilibet æquus iudex discernet, si attendat ea, quæ à me dato testimonio asserta sunt, acta & dicta esse inter me & solum præfatum Amplissimum, nullo teste præsentem nisi solo Deo, adeo ut nec ego perjurii aut mendacii reus argui, nec Abbas ex hac affirmatione aut negatione possimus: dicent forte, Abbati, utpote personæ in dignitate constitutæ, majorem fidem adhibendam esse quam mihi. Sed mihi potius debere via juris, ut cæpi, ostendam, & probabo præfatum Amplissimum, quibusdam suis religiosis, & aliis Amplissimis dixisse se in subscriptione formularis fuisse deceptum. Adde pro majori elucidatione veritatis testimonii mei, quod, cum memoratus Amplissimus mihi quædam hujus historiæ puncta narrasset, eundem, requisitus ab Eximio Domino Hennebel, ac hujus nomine, rogaverim ut scripto declararet sibi in subscriptione formularis obreptum esse: sed recusavit dicens se id facere non posse, ne offenderet Archiepiscopum, cui suherat & quo sæpius indigebat. Hæc, & alia priori meo testimonio asserta, 18. Junii 1692. quo acceperunt & eodem pene momento temporis, quo Abbacia egressus sum, præsentibus duobus testibus, citandis si opus fuerit, annotavi: nec credideram præfatum Abbatem egre laturum me testari ea, quæ ipsum pluribus & publice dixisse, mihi certo constabat; præsertim cum testimonio meo excusaretur aut saltem minueretur qualiscumque ejus levitas in signando formulari. Quo autem modo

modo factum sit ut memoratus Abbas sua ante dicta negaverit, scire non possum. Unum hoc cogitare benignitas Christiana compellit, quod Pater van Outers in Epistola sua ad Dominationem Vestram scribit de eodem Abbate, quod optimum senem (nupte jubilarium) ætas grandis dictorum suorum immemorem reddat. Procurator susceni qui dictum Libellum impressit, moras necit in reddendis originalibus, prout malè consueverunt, & hæc causa dilatæ responsionis. Vale.

DOCTISSIME DOMINE

D. V. Humill. Famulus

GUIL. VANDE NESSE

Pastor S. Joan. in Molenb. & S. Carba.

Infrascriptus ad instantiam Domini De Ladersous testor me ex ore cujusdam Religiosi Abbatiæ Frigidi Montis N. N. Sacerdotis (qui tempore & loco nominandus est) audivisse, Amplissimum Dominum Abbatem præfati monasterii fuisse conquestum se deceptum in subscriptione Famosi Formularis circa Propositiones Jansenii. Et eundem Abbatem itidem fuisse conquestum, quod cum Domino Guil. Vanden Nesse Pastori Sanctæ Catharinæ casum deceptionis ante-dictæ familiariter narrasset, præfatus Pastor eundem casum dato testimonio alteri manifestaverit.

Insuper testor me ex eodem Religioso intellexisse, quod Religiosus quidam ejusdem monasterii occasione examinis accesserit quemdam Patrem Societatis, qui ei dixit nullam subesse difficultatem, modo vellet subsignare formulare: cui alter respondit se paratum, si Prælati consentiat. Ad hoc Pater ille, indubiè consentiret, dum intelliget Prælatum Diligentem subsignasse. Datum Bruxellis 12. Septemb. 1692.

J. BORREMANS S. T. B. F.

Canonicus & vice-Pleb. D. Gud.

Infrascriptus ad instantiam Domini De Ladersous Professoris in Pædagogio Porcensi testor me ex ore cujusdam Religiosi mibi noti Monasterii Frigidi Montis audivisse, Amplissimum Dominum Abbatem Præfati Monasterii fuisse conquestum se deceptum in subsignatione Formularis circa Propositiones Jansenii. Dabam hac 1. Septembris 1692.

HENRICUS WITTEN S. T. Baccalaureus Formatus.

Infra scripti itidem, declaramus, nobis presentibus Amplissimo D. Abbatem Diligensem retulisse, quod Amplissimus Dominus Abbas Ninovienfis ei in Refugio suo narrasset; Amplissimum D. Abbatem Frigidi Montis in mensa, ipso presente & Amplissimo Domino Parcensi, dixisse, Se fuisse deceptum in subscriptione famosi Formularis circa quinque Propositiones Janlenii.

Denique declaramus, nos audivisse ex ore Amplissimi Domini Diligensis, quod Reverendus P. Bolck dixerit Amplissimo Domino Frigidi Montis, quod ipse, scilicet Prælati Diligensis, esset paratus subscribere aut jam subscripserit famoso formulari; & hoc ipsum se alibi audivisse narravit præfatus Ampl. Diligensis Domino De Ladersous in præsentia Domini De Coek. Actum 9. Sept. Anno 1692.

N. VAN LANGENDONCK Præbyter.

AD. VAN SINAY Præbyter S. T. B.

Quæ quidem omnia, fidem, ut arbitror, perabundè faciunt, à me in disputatione fide bonâ relatum Amplissimo Frigidi Montis in famosi Formularis subscriptione à P. Bolck impositum esse; ex falso ipsi persuadendo Amplissimum Diligensem aut jam tum subsignasse aut paratum esse. Eâdem fide & auctoritate in scripto meo asserui folio 20. sæpe Amplissimus Frigidi Montis in subscriptis ne formularis sibi obreptum esse apertè conquestus est, sæpè deceptum esse tum domesticis suis, tum exteris, quâ clum quâ palam, ingenuè confessus. Quoties coram Ornatis plurium Prælatorum consortio, dum sermo incidere quod solus inter omnes Prælatos subscripsisset, ingemuit illud, fui deceptus, fui deceptus.

Sed quid ego ad Amplissimi Viri quod præfers testimonium? Ne virum optimum autoritate Tua atque artibus captum dicam, ne insidias Montenses suspicer, aut fraudes nuperas in causa D. Pastoris Hallensis; nostin? Unum hoc animum subit quod in sua ad me Epistola P. Van Outers suggerit: aut scilicet memoriæ optimi senis, quem ætas grandis dictorum jam immemorem reddidit, parcendum; aut calliditati Tuæ adscribendum. Cum ut scribit idem sodalis Tuus sis in persuadendo potentissimus ac subtilissimus in ratiocinando. Verba Epistolæ ejus accipe. Non operosum fuerit alicui è sopbitis Vestris (è Jesuitis Vestris) seni optimo, argutiis suis & vanis subtilitatibus quarum ætas grandis ipsum jam immemorem reddidit, voces hujusmodi (testimonium hujusmodi) extorquere, quas (quod) rectius edoctus baud difficulter retractabis ut confido.

Num. 3. Callidè finis dum ais, etiamsi Amplissimo Frigidi Montis vel per me ipsum vel per alium dixissem, Amplissimum D. Diligensem consensisse: sâque ea mente ut ipsum inducerem ad imitandum exemplum, nihil dixissem
falsè

falsi, non egissent nequiter aut fraudulenter: nam revera Amplissimus Diligemensis consenserat ut patet ex ipsius testimonio. Amplissimi Viri testimonium, quod verbo & scripto sæpè sæpius requisivisti & post importunas præces sub tuo chirographo, quod ante renuebas 29. Julii, cum obtinere aliud non posses, acceptasti. Testimonium hoc pessimè detorques & abuteris. Planè & rotundè loquere. Distingue tempora & concordabunt facta; Quod ut pateat omnibus, allatum testimonium per ejus numeros ad verbum explano.

1. Cum aliquem, inquit Amplissimus Vir, ex Religiosis meis vellem mittere ad Approbationem, accessi R. P. Bock, qui mihi respondit neminem approbatum iri nisi juraret in Formulare, quod numquam videram: consensi tunc, sed postea viso Formulari mutavi sententiam.

Rectè Vir Amplissimus consensi tunc: dum Tu scilicet (cæteras artes tuas prætereo & officias taceo) nullam inesse difficultatem constanter affirmabas. Dum petenti an esset simile formulare, quale exigi solet à Baccalaureis aliisque Graduandis Theologis annuebas, iteratò instans nullam Formulari inesse difficultatem. Sed postea Viso Formulari mutavi sententiam. Rectissimè. Quia Viso Formulari, argutias tuas & fallacias vidit; difficultatem subesse agnovit, & à Formulari Academico planè differre intellexit. Postea, cum scilicet à meridie in formulare non visum conditionatè, si esset tale, dixerat se consentire, sequenti die manè absolutè mutavit sententiam.

Quæ quidem ita se habère manifestum fit ex fide RR. DD. N. Von Langendonck & Ad. Van Sinay Presbyterorum, quibus prout & mihi hac super re Amplissimus Diligemensis mentem suam candidè aperiens, dati sui testimonii sensum planius exposuit. Et præfatis Dominis ut pro rei gestæ veritate fidum subsequens testimonium ferrent, copiam fecit.

Infrascripti ad instantiam Domini De Ladersous declaramus, nos interfuisse consortio Amplissimi Domini Abbatis Diligemensis, tuncque ex ejus ore audivisse, quod, cum sermo incideret de quodam Religioso approbando ad excipiendas Confessiones, responderis Reverendus P. Bock, neminem approbatum iri nisi juraret in formulare; petens ut ipse Amplissimus & ille approbandus subsignarent Formulare circa quinque Propositiones Jansenii; tuncque ab antedicto R. Patre petiisse præfatum Amplif. quale esset istud Formulare. Respondit supra memoratus Pater, nullam Formulari inesse difficultatem: Petiit prænominatus Ampl. an esset simile Formulare quale exigi solet à Baccalaureis, aliisque Graduandis Theologis, & si esset tale; dixit se consentire: Respondit iteratò supracitatus Pater nullam Formulari inesse difficultatem. Sequenti die dictus approbandus attulit memorato Ampl. acceptum à R. Patre Bock Formulare, quod ubi vidit, dixit sæpe citatus Ampl. se numquam subsignaturum, nec consen-

senturum ut sui Religiosi jurarent in supramentionatum Formulæ. Actum 9. Sept. Anno 1692.

N. VAN LANGENDONCK Præbyter.
AD. VAN SINAY Præbyter S. T. B.

Hinc omnibus videre datur P. Gerardum Bolck imposuisse splendide, ut ab Amplissimis DD. Diligenti & Frigidi Montis famosi Formularis subscriptionem eliceret. Diligenti quidem, falsò asseverando nullam Formulari difficultatem inesse, quam tamen inesse plurimam sciebat aut scire poterat. Identidem simulando Formulæ illud simile esse Formulæ Academicæ. Deinde dum Prælati Frigidi Montis asseruit Amplissimum D. Diligentiem subsignasse, aut ad subsignandum plenè paratum. Id enim gestum sit, vel antequam Amplissimum D. Diligentiem subsignaturum intellexisset, & pessimè finxit: vel dum illum conditionatè solùm consensisse cognovit (quam conditionem minimè subesse non erat nescius) & absolutum simulando consensum malâ fide egit: vel postquam die sequenti mutatâ sententiâ conditionatum consensum absolutè vidit retractatum, & subdolè imposuit. Quam lubet partem, mi Gerarde, elige & lectorem æquum judicem habe.

2. *Prædictus Pater sæpius mecum egit de Formulæ.* Et tamen prædictus Pater, scilicet Gerardus Bolck, in publica disputatione clarâ voce constanter *Protestatus est in fide Sacerdotis, tantum se uni soli Prælato Diligenti de subscriptione famosi Formularis SEMEL occasionaliter esse locutum* Propt in meo pomeridiano factò deponunt testes 13. Absit tamen, ut vel ideo P. Bolck aperti mendacii, & perfidæ fidei Sacerdotem arguam: absit aut dicam quod Amplissimum Diligentiem Prælatum mendacem *facere audeat*. Quod nuperus ille anonymus in suo scurrili contra me scripto, effutire non erubuit: dum in eadem planè causa Eruditissimum D. Vande Nessel S. Joannis in Molenbeca & S. Catharinæ Bruxellis Pastorem ut mendacem, & perjurum traduxit. Digressionem meam hac de re lector benevolus infra consulat.

Ego interim quo possum modo, P. Gerardum Bolck absolvo. *In fide Sacerdotis P. Bolck asseruit, quod tantum SEMEL, Amplissimus D. Prælatus optimâ sincerâque fide testatur quod SÆPIUS cum ipso de Formulæ egerit.* Ita sit: *semel scilicet OCCASIONALITER, sed sæpius EXPRESSE.* Sic P. Bolck fessellit levius.

3. *Prædictus Pater mihi dixit quod D. Ladersous paratus esset jurare in Formulæ.* Hoc scilicet erat illud, quo audito mox Amplissimo Viro rescripti. *Quilquis is est, aut ab alio malè informatus Amplitudine Vestræ desult, aut ipse pessimè finxit.* Sed de hoc alias scripti pluribus, nec in questionem nostram venit modo.

4. *Mibi*

4. *Mibi dixit quod Amplissimus D. Prælati Frigidi Montis consentiret ut sui Religiosi jurarent in Formulare. postea attulit mibi subscriptionem præfati Prælati. Et hoc ipsum malâ fide gestum est: vel enim Prælatum Frigidi Montis in Formulare confesside hengebat, cum ut in prima scheda sua ait, Prælati Frigidi Montis nunquam fui locutus, saltem ex quo tempore cæpit moveri difficultas de Formulari: vel Amplissimum Virum ad subscriptionem noverat dolose inductum, falsò scilicet imponendo quod Amplissimus Diligementis Formulari subscripturus foret. Quod falsum esse plus satis vidimus modo. Ita tamen actum ex supradictis plurimorum testimoniis patet, signanter RR. DD. Vande Nèsse, Borremans, Langendonck & Van Sinay. Postea attulit mibi subscriptionem præfati Prælati. Scilicet post aliquot dierum intervallum tam fraudulenter obtentam: hanc Amplissimo Viro ostentabat inanis sui triumphi materiam. Hâc candidissimum Virum in suas partes trahere conabatur, opportunè importunè instans, ut & suam subscriptionem adjungeret, sed prudentissimum flectere non potuit mille modis & artibus mille: viso enim Formulari mox significat (verba sunt ipsius P. Gerardi Bolck art. 1.) *Se non permisurum ut Religiosus suus juret, se nolle esse unicum inter Abbates qui consentiat in juramentum. & infra, se considerato Formulari statuisse non permittere ut sui Religiosi in illud jurent.**

Sic unius Amplissimi Frigidi Montis Formularis subscriptionem fraudulenter elicit, qui Belgici Formularis Provinciam tam infelicitè assumpsit. Sed ecce haud multò post, doli & fraudis conscius Amplissimus Frigidi Montis deceptum se agnovit, obreptam suam subscriptionem sæpè læpius repeti curavit. Religiosis suis juramentum in dictum Formulare interdixit. Certum modo ipsi erat suos numquam potius ad Sacros Ordines præsentare, quam ut in Formulare jurent, permittere. Hujus rei, luculentis aliis omisissis testimoniis, ipse sibi fidem faciat P. Bolck qui hujus scriptiunculæ suæ articulo 1. sic ait: *Paulò post designato tempore ad illi Religiosus Frigidi Montis: exhibetur illi Formulare, rogatur ut juret: ille post aliquam tergiversationem subterfistis facetur Amplissimum suum Prælatum mutasse mentem, adfuisse ipsi aliquos Ecclesiasticos; denique non permittere ut juret.*

5. *D. Ladersous mecum egit de Formulari in Refugio nostro Bruxellensi, sed numquam ipsi scripsi.* Ita est. Iterum iterumque ac sæpius cum Amplissimo D. de Formulari Belgico contuli & pluribus egi. Ille mihi optimâ sincerâque fide, præsentè D. De Cock enarravit quòd de P. Bolck fideliter retuli: multa quidem ad rem nostram superaddens, quæ prætereo, cum in quæstione non sint. Id ipsum DD. supracitatis Langendonck & Van Sinay aliisque pluribus pro suo candore non celavit. *Sed numquam ipsi scripsi.* Nec erat necessarium scribere absenti, quæ præsentì plus satis exposuerat.

Ex quibus omnibus, mi Gerarde, per te liceat huic tuo articulo 3. titulum responsionis meæ supponere veriozem. *Calumnia à P. Gerardo Bolck non resorta, sed aucta vehementer.*

R E S P O N S I O

A D

A R T I C U L U M IV.

TItulus articuli est. *Responsio ad querelam D. Laderfous de impactu sibi Jansenismo.* Sed quam operose respondet nihil; dum primo *Jansenistam* me ab ipso publicè proclamatum diffitetur. Dein dictum dissimulat sed excusat. Denique *Jansenistam* me insimulare palam satagit.

Num. 1. At, qui diffiteri ausit, à se in publica disputatione coram frequentissimo confessu, clarâ voce, iteratò dictum *audite Jansenistam publicè mentientem*: cum id omnium penè præsentium memoria referat; & in primo meo scripto plurimorum testimoniis confirmatum legat. Quâ fide ait *Hujus rei adducit testes omni exceptione apud ipsum majores, videlicet tres Ordinis Præmonstratensis Canonicos, tres S. T. B. F. unumque fratrum tertiarum Beggardum*: & omittit, qui idem plenè attestantur P. Bonaventuram Van Dyck Ord. Min. S. T. Lectorem. P. Henricum Bukentop ejusdem Ordinis S. Scripturæ Lectorem. P. Conradum Scheemakers S. T. Lectorem ac Præsidentem Coll. tertii Ord. S. Francisci vulgo Beggardorum. Quâ fronte subjungit, *adducit etiam testimonium Ex. S. T. Doctoris Ordinis Prædicatorum, qui in suo testimonio ita scribit: non dixit P. Bolck audite Jansenistam publicè mentientem & fraudulentè hæc verba suppressit: Sed audivimus mendacia vel mentientem: quamquam videatur satis indicasse à se haberi oppugnantem pro Jansenista.* Et verè plus satis indicasti, mi Gerarde, quod de frequentissimo confessu negabit nemo, dum me *Jansenistam publicè mentientem* inclamabas, modo hæc in cerebro *Jansenistico* effingere, fide *Jansenistica* ferere ingeminabas &c. Dum ad tua dicta insonabat disputationis Præfatus tuus Mafius, iam videmus quam sint *Jansenistæ mali Philosophi & malevoli Theologi.* Dum postridie P. Responsalis proœmiale in me exarsus Philippicam detonabat: *Audivisti veri Jansenistam splendidissimè mentientem.* Dum denique fide tuâ & auctoritate sodalibus tuis quâ clam quâ palam verbo & scripto passim *Jansenista* dicor & audio. Sed hoc, mi Gerarde, minimè mirum, *accessorium sequitur suum principale.* Res mihi cum Jesuitis agitur, ergo *Jansenista* dicar necesse est.

Verum

Verùm hâc tuâ scriptiunculâ dictum excusas pluribus. *Supponamus*, inquis, *fuisse dictum à me audite Jansenistam publicè mentientem*. agebatur tunc de mendacis ac imposturis Jansenistarum . . . sermo fiebat de mendacis ac imposturis Jansenistarum. Jansenistas tanquam mendaces traduci non ferens D. Ladersous, publicè mentiebatur ac splendide. Clamaverim ego audite Jansenistam publicè mentientem, &c. Sed tua hæc defensio te premit fortius: dum non modo me, sed ipsos Eximios DD. Lovanientes Jansenistas scribis & dicis: agebatur enim tunc, de solis DD. Lovanientibus, quorum fide & auctoritate à priori oppugnante ex ordine FF. Minorum relata, & à me dein confirmata, meministi & modo vera nosti. Ad hæc Disputationis Præses, ut in factò meo supra 20. testibus confirmatum legis, inverecundè & inclementer nimis, iteratò reposuit quod Eximii illi, mendaces & impostores sint, non tantum utentes restrictione mentali sed splendidissima mendacia spargentes. Sed me vindice non egent Viri Eximii.

Ad me, tecum redeo, quem hic à Jansenismo absolvis dicens: Ita intelligi debeo si dixerim audite Jansenistam publicè mentientem, id est audite mentientem adinstar Jansenistæ. Quam bellè! quam acutè! Ladersous est Jansenista, id est, mentitur adinstar Jansenistæ. O inauditus hæctenus & novæ artis Jansenismus! Verum istud ego non capio, quod non minus frivole, quam operosè à Te hic dictum refellas, & ubique me Jansenismi arguas. Jansenista enim à Te, Tuisque Sodalibus apud summos infirmosque utriusque sexus, nescio quibus figmentis & præstigiis traducor. Modò verus Jansenista re & nomine indigitor. Modò audio Jansenistulus. Modò hyper Jansenista dicor. Modò novus Pharaò in Porco, qui non novit Joseph. Jesuitas scilicet. O Joseph! Modò scribor Jansenianæ arboris præclarus surculus. Adeo Jansenista inclaresco, ut ad nuperum meum Bruxellis occursum, vestalis quædam vestra signo Crucis se munuisse feratur. Tam terribilis est Ladersousius.

Nunc male-gratus proclamor: quasi Jesuitarum gratiâ sim id, quod sum. Turpe est ab aliis Laudes detrahere, ut suas accumulemus. Si ille forem, quem me expletis inferioribus studiis cupiebatis, totum deberem: quisquis modo sum, nulli Jesuitæ debeo: & si quis ero, nisi vehementer fallar, nunquam debebo.

Alibi non nugaris quidem, mi Gerarde, dum me versipelli audaciâ apud Viros honoratos (qui nocturnos Vestros lemures jam pridem norunt) criminaris, ad invidiam meam salò & subdolè fingendo quod lubet. Meminisse potes qualem me dixeris, scis ubi, quando, cui. Ignoscat Deus. Heu quantum bilis ubique evomis: nescio quod de me mali, vel apud quos augureris: dum Tuo Te judicio alipotentem Jesuitam Bruxellis insolenter jactas. Conclamatum est contra Ladersousium. Jansenista

nista est. O terriculamenta! Noli minari Pater Bone, parce subjecto. Apud alios te mei miseret, & perditæ fortunæ juvenem me deploras. Non enim, inquis, *perplacet Iansenistis*, nec nobis modo. O me ter miserum & hominem perditum!

Sic ego colore vario, ex Tua Tuorumque Sodalium aspergor divite fidelia. Omnibus omnia, per Te tuosque fit *Lacerfousius*, modo vapulet. Vapulet usque licet, mi Gerarde, & de *Laderfousio* senti & dic quod lubet, dummodo suæ eum conscientia non accuset. Ater Tibi tuisque vel albus sim, minùs refert. Cum ut scripsi aliàs nec vos angat, quis sub Iansenismi larva vapulet, dummodo invilum vobis kriatis. Rem hanc faciliè est exemplis illustrare, sed passim nota sunt.

Verum, Mi Gerarde, effare & planiùs loquere; qualem Tu me tuique *Iansenistam* vultis & dicitis? Plurima enim hodie Iansenistarum genera, & Iansenismi circumferuntur prædicamenta.

Iansenistarum varix species appositè distinguuntur in famoso libro Gallico, DICTIONAIRE UNIVERSEL, par MESSIRE ANTOINE FURETIERRE, Abbé de Chalivoy, de l'Académie Française: tom. 2. ubi ad vocabulum *Ianseniste* sic habet.

Celui qui suit la parti & la doctrine de Jansenius. On le dit aussi de ceux qui affectent une grande severité dans leur maniere de vivre, & une grande austerité dans leurs mœurs, & dans leur doctrine. Ainsi on appelle plusieurs personnes devotees & reformées, des Jansenistes, qui ne connoissent point Jansenius. Les femmes ont appellé aussi Iansenistes des poignets qu'elles mettoient par modestie pour cacher leurs bras.

Quod primæ speciei *Iansenista*, mi Gerarde, ne tibi quidem sim, tua confessio, & res ipsa loquitur. Dum ita scribis pag. 14. Nunc vero cum nequidem actum fuerit de doctrina, nec sciam quid doceat aut censeat *Philosophiæ Professor*, quis suspicetur me voluisse significare quod sit *Iansenista* quoad doctrinam? Dum & ego famosas 5. Propositiones dudum palam rejeci, ut hæreticas ejuravi. Dum constitutionem *Innocentii X.* formulam *Alexandri VII.* vel ad apicem amplector & veneror. Vide Latius in primo scripto, litteras meas ad Amplissimum Diligentersem. Epistolam meam ad Sodalem tuum P. Van Outers num. 7. Symbolum Masianum, quod nuper exhibui ad articulum 3.

Secundæ aut tertiæ speciei *Iansenista*, facile dicetur quivis Theologiæ purioris & arctioris vitæ sectator, etsi in Ecclesia Doctissimus & Sanctissimus. *Hyper Iansenista* audiet hyeronimus, Gregorius, Augustinus &c. Talis utinam, mi Gerarde, vel forem *Iansenistelus*.

Iansenistarum quarta species faminea tota est, nec omnino absona.

Ex. P. ac M. Petrus Clenaerts Ord. Erem. S. P. Augustini Sacræ Theologiæ Doctor, attestante Reverendo Patre Josepho De Reuex Societatis

cietatis Jesu in Theſibus ſuis 1688. menſe Decembri; publice dixit & attentis circumſtantiis minime ironiè Dixit, multos paſſim hodie ut *Janseniſtas* traduci, quam optimos gratiæ efficaciſſimos defenſores. Quod ipſum in ſuis ſparſim Theſibus gratiæ per ſe efficaciſſimos defenſores, ex ordine Sancti Dominici, Carmel Diſcal. ſæpe ſepius altè queſti ſunt, ut in *Symbolo* nupero ad articulum 3. oſtendi pluribus. Ita eſt, mi Gerarde, cum omnibus SS. Auguſtini & Thomæ diſcipulis, gratiæ per ſe efficaciſſimum aſſertorem me ingenuè profiteor. Talis tibi tuiſque *Janseniſta* ſim, non repugno.

Teſtimonio & Authoritate Eminentiffimi ac reverendiſſimi Domini Joſephi SAENZ DE AGUIRRE S. R. E. Cardinalis. Hodie *Janseniſtæ* audiunt viri in Eccleſia optimè meriti, licet nullo fermento hæreſeos aut Doctrinæ errore aſperſi, qui Eccleſiæ diſciplinam laxitate novarum opinionum extenuatam, inſtaurare curant. Ita habet Vir Eminentiffimus (aures arrigat fictitiſ nuperus F. de claireau) in diſſertationibus ſuis Eccleſiaſticis in collec. Iſidorianam Concil. &c. Vix tribus ab hinc menſibus Romæ editis ad rationem ſui operis num. 2. *Laudandus cardinalis Bellarminus qui Diſciplinam veterum Sacrorum Canonum, laxitate novarum opinionum extenuatam atque impetitam inſtaurare curavit*; num. 24. *Bellarmini Veſtigia præſſit Cardinalis Sfortia Palavicinus . . . , Et reverendiſſimus Pater Thyrfus GONZALES Generalis Societatis Jeſu, primarius olim Theologiæ Profeſſor in Salmaticenſi Academia, Eandem fere utriuſque Cardinalis ſententiam ex inſtituto ſequens cum Michæle Elizalæe alias cella-Dre: & multis aliis Doctis hominibus ejusdem inſtituti, quorum ſcripta parantur ſuo tempore in lucem proditura.* Num. 37. *exeat nunc aliquis recentiorum quorundam, & propterea Bellarminum, & reverendiſſimum Patrem Thyrfum Gonzales Soc. Jeſu præpoſitum generalem, JANSENISMI aut BAJANSMI arguat: hunc enim notam ex eodem doctrinæ morum ſæverioris capite inurere auſi ſunt nonnulli, plurimis aliis Catholiciffimis Episcopis, Prælatiſ, Doctores & ſcriptoris: licet nullo fermento Hæreſeos aut Doctrinæ erroneæ aſperſis, & palam reſcipientibus illas 5. Famofas Theſes ab Innocentio X. & Alexandro VII. fulguratas: Arque in iis Illuſtriſſimo fagnano, quo neminem in Sacris Canonibus Doctorem aut celebriorem ætas noſtra tulit. Sed Calumnia ejusmodi dum linguario oribus quorundam injecto cæceri nequit, contemptu aut riſu exhibenda erit. Quam vellem, cum præclariffimis illis Societatis Viris, cum ipſo Reverendiſſimo Patre generali, glorioſè talis *Janseniſta* digito demonſtrari, & dici hic eſt.*

At fortè, Tua Tibi tuorumque Sodalium arridet magis nova planè & inaudita vocabuli *Janseniſta* inſtitutio & mira acceptio. Et illam lubet audire.

Tibi ſtat *Janseniſta* pro ſplendide mendaci, Dum enim *Janseniſtam*

me publicè nuncupasti; *ita intelligi debéo*, inquis, Te ipsum apologeticè exponens, *audite mentientem ad instar Jansenistæ*. Hanc Jansenistæ acceptiorem vulgatissimo, ut ais & fingis in Gallia Proverbio, non seride, confirmas *mentitur ad instar Jansenistæ*. In Gallia, mi Gerarde, peregrinus sum. Illud novi à puero longè receptissimum in Belgio *T'us tenen Jansen treck*. Capin ? Illud mecum scis modò perusitatum, quod splendide mentiens & apertè calumnians MASIUS nuncupetur. Intelligenti pauca, adeo ut popolare penè Proverbium obtineat, dum quis de splendido mendacio seu Jansenismo tuo convictus est. *Hic habet, captus est, est MAES*. Sanè, si mendax, mi Gerarde, & Jansenista tibi synonyma sint, quantum ego te *Jansenistum* ostendi modo; ut scriptiuncula tua, meaque hæc responsio plus satis produnt. Quantum Sodalem tuum *Alexandrum Maes hyper Jansenistam* evici, cujus *Jansenismi* schema seu 12. Mendaciorum symbolum nuper exhibui, & LADERSOUSANDO strenuè, hominis, cujus nomen præfert R. P. Alexandri Maes, indolem probavi. O *Jansenistarum* par nobile Bolck & Maes ! O me *Anti-Jansenistam* ! qui te, tuumque hunc Sodalem LADERSOUSANDO, vos Jansenismi reos & victos teneo, condemnno, anathematizo.

Nuper Sodalis tuus non gregarius & Collega Bruxellensis, prolixiorem de *Jansenists* in via Mechliniensis sermonem intrudens, *Jansenistam* hominem esse ajebat, *qui habet Deum in ore, & Diabolum in corde*. Quam belle ! Heu me quod ante Jansenium non extitere Jansenistæ ! At, si ex abundantia cordis os loquitur, & ex fructibus homo cognoscendus sit, quomodo Jansenianos inter & Jesuiticos distinguet ? Quo collyrio lippos suos inunxit ? Quibus opticis arcana mentis & cordis rimatus est ? Quæ soli altissimo patère credideram. Si talem me, Gerarde, *Jansenistam* velis, eloquere. Diabolum cordis mei nostin ? Ecquod ei nomen ? *Belzebub* ? An fortè etiam *legio* ? &c.

Sodalis tuus alter P. Van Outers, in utraque sua Epistola me Jansenismi arguit : quia dixi quod in Formulæ Belgicum seu notas & additiones ad Alexandri VII. Formulam jurare, mea hætenus non ferret conscientia. Et si & tunc palam Formulam Alexandri professus sim : quamvis in litteris meis ad Amplissimum Diligensem ante legerit. *Ego omnium & singulorum RR. PP. Decreta, Constitutiones, Bullas, vel ad apicem amplector & veneror*. Quamvis & isthic habeat si tamen has notas & additiones approbando aut confirmando Romana Sedes proponat, per omnia & in omnibus sincerum me obedientiæ filium exhibebo. Exclamat nihilominus Epistolæ suæ 2. fol. 13. *Quid jam amplius præstat Ladersousius quam præstet Jansenista quivis juratissimus, atque Arnaldus ipse*. Hac sua subjectione à Jansenio non avellitur &c. Ergo juratissimus Jansenista sum, quia per omnia & in omnibus

nibus Romanæ Sedi, verâ, totali, plenâ, perfectâ ac integrâ me subji-
 cionibus, doctâ eximii, pietate spectabiles in hoc meo *Iansenismo* glo-
 riosi socii; qui in Belgicum Formulare jurare recusant, Romanæ Sedis
 explorantes iudicium: Sunt è Clero in hac Academia nostra Eximii Sa-
 cræ Theologiæ & Clarissimi Iuris Utriusque Doctores. Sunt Eruditissi-
 mi Sacræ Theologiæ & Iurisprudentiæ Licentiati. Doctissimi scientia-
 rum omnium Professores, Collegiorum Præsides & alumni. Sunt in Bel-
 gio Canonici plurimi, Metropo itici, Cathedralis, Collegiati, Parochiarum
 Plebani, per Diœceses Belgii Pastores, Ecclesiastici prope innumeri.
 Sunt è Religiosis Ordinibus integri coetus, Amplissimi Abbates, alio-
 rumque ordinum Superiores Religiosi &c. Quos ille omnes iuratos meos
 mecum *Iansenistas* dicat necesse est. Ergo, mi Gerarde, tibi tuisque iura-
 tissimus sum Iansenista Belgicus, etsi iuratus sum Anti-Iansenista Roma-
 nus. Desinent spero coaxare rapæ, dum Roma tonabit. Ubi ex urbe
 rescripta venerint, æque gratanter recepturus sum, siue à veritate devios
 Sedes Apostolica in viam reduxerit, siue rectè sentientes sua auctoritate
 firmaverit.

Eidem Sodali tuo *Iansenista* dicor: quia ad Epistolæ meæ calcem
 subscripseram *in Veritate & Charitate studiosissimus tui*. Sic enim ha-
 bet Epistola sua 2. fol. 17. *Iansenianam tesseram non semel adoptat in ve-
 ritate & charitate, plus satis notum est quali, & non vult audire Iansenista*. Quid
 dilutiùs & ineptiùs! *Iansenista* sum, quia Iesuitæ dixi me *in Veritate &
 Charitate* (quæ Iansenii tessera est) studiosissimum. Rectius enim verò
Iesuita sum, qui Societatis Vestræ lemma non de consilio sed ex
 præcepto adoptavi AD MAIOREM DEI GLORIAM. Quidni & ipsum
 Augustinum hyper Iansenistam dixerit, qui Veritatis & Charitatis Do-
 ctor nuncupatur. Cui nihil familiarius, quam istud veritas & charitas.
 Det mihi Deus ut in *Augustiniana* veritate & *Ignatiana* charitate ad
Maiorem Dei Gloriam Iansenista vivam & moriar. Utinam tales omnes
Iansenistæ nominemur & simus!

Infamis utraque *Iansenismi* nupera tabula, nescio quos *Iansenistas* fin-
 gat & cudad: dum optimum quemque *Iansenismi* arguit, & præclarissi-
 morum virorum famam, quorum Integritas omnibus perspecta est,
 atrocissimis calumniis discerpit: adeo ut & ipse Ex P. PETRUS CLE-
 NAERTS Ord. Erem. S. P. Augustini S. T. D. &c. in sua Theologia
 Universa cui hodie 12. Augusti præsidet, ad supplementum Articuli III.
 & IV. dicere audeat, *Ideo à viris plurimis etiam Iansenismo infensissimis
 culpatur, & quidem eaenus rectè culpatur utraque famosa IANSENISMI tabu-
 la, quod præcipuas scholæ Augustinianæ, & Lovaniensis, & infinitorum ca-*

tholicæ

tholicorum sententias citet sub IANSENISMO, quod est contra mandatum papale. Et tamen nonnullus Eximius Doctor alter, coram ipsa Sacra Facultate declarasse fertur, *Illustrissimum Archiepiscopum Mechliniensem adoptasse eum Libellum ut suum; grauius illius & titulos in ordinem digessisse in urbem misisse.* Quid ergo? quidquamne (quod absit) CONTRA MANDATUM PAPALE, Illustrissimus Belgii primas ADOPTET? Litem dirimant *Petrus & Martinus*; qui dum secum pugnant, se sibi reconcilient.

Ita, mi Gerarde, tibi tuisque in re tanta ludere volupe est: dum nescio quos qualesve *Iansenistas* fingitis, refingitis; dum invisum quemvis vobis, vel ipsas mulierculas *Iansenianas* nuncupatis. Sanè non modo qui amant, sed & qui odiunt, *ipsi sibi omnia fingunt*: fatale nomen *Iansenista*, est, etiam dum procul abest omen. Crimen est penè omnium, nullum crimen habentium. Qui enim non audit *Iesuiticus*, quisquis is est, Iesuitis est *Iansenianus*. Sic fert modus. Sic & *Ladersousius* Iansenista dicor & scribor. quia unum alterumve, ex æquo & vero nimium laceffit Iesuitam *Ladersousi*. Hæc meorum summa est criminum. Sim, sim *Iansenista Iesuiticus*, qui sum *Anti-Iansenista Pontificius*.

CONCLUSIO

Delines, confido, deinceps mi Gerarde, & tecum Sodales tuæ, *mendacem me, impostorem, calumniatorem, Iansenistam* palam proclamare, & ut talem scriptis publicis traducere: ubi ex responsione mea ad *articulum primum*, intellexeris me nimium laceffitum te Duce, te auctore in certamen hoc vel invitè descendisse. Ubi ad *articulum secundum* legeris, quæ de te in nupera disputatione coactè enarravi, non tuâ fide conficta, aut asserta meâ affirmatione, sed præsentium plurimorum auctoritate allegata. Dum hæc ipsa à me ex verò, optimâque fide relata, ad *articulum tertium* ex ipsis plurimorum testimoniis & argumentis comprobata didiceris. Denique in responsione mea ad *articulum quartum* vides, si modo oculos habeas, quod non nisi sub *Iansenismi* nescio qua larva tibi, & per te aliis vapulem. *Dabit Deus his quoque finem.*

Atque ex his quidem, non mihi modo qui aduersarii. non Iudicis partes ago, sed moderati ingenii hominibus planum fit: quia tam Iustè quam coactè *LADERSOUSAVI* te. Habes mi Gerarde, captuses, ES *MAES*. Vides in quas te Angustias conieceris, dum quantulumcumque famæ ex primæ tuæ scedulæ naufragio reliquum, hæc secundâ scriptiunculâ ad extremum obruisti. Scripturarum proinde, quas citas plures sententias non male feceris, si tibi applices: & cum *sphalmista* Dicas *bonum est quia*
burni-

humiliaſſi me Domine. Vide interim, ad quid Statuta Societatis veſtræ (quæ te ſaltem probè ſcire & ſervare oportet) te obligent, cum decretum 19. Congreg. 12. ita habeat: *Cenſuit Congregatio ipſo etiã Patre noſtro poſtulanſe, ſi contigerit unquam quempiam è noſtris etiã alios quocumque externos, vel lingua vel calamo, aut alia quacumque ratione offendere aut aliam offenſionis cauſam dare. 1. ut in illum Superiores diſcigenter inquireant, quãgñe par eſt ſeveritãte animadvertant, nihilq; huiusmodi impunitum relinquant. 2. ut curent iis, qui ſe læſos æſtimare merito putaſſerint, debitam ſatisfactionem quam primum exhiberi.*

Sin autem & poſt hac calumniari ſit animus, (linguam nullus hominum domare poteſt Epist. Jac. cap. 3.) contumeliare quantum potes, hoc enim quilibet contumelioſus poteſt: unum hoc deprecor, ne in alios ſæviatis, ne, ſi quas debeo, alii pro me pœnas dent.

Me me adſum qui feci, in me conſicite ſervum Ne quæſo à lycæo noſtro Porcenſi (cum teſte Nicolao Vernulæo in ſua Academia Lovaniënſi, Leonardum Leſſium, alias Leonardum Leys Brechtanum Gymnaſio noſtro Porcenſi acceptum debeat Societas Ieſu, qui ex eo litterarum & Philoſophiæ cognitionem, primum ſuæ famæ incrementum reportavit, utpote in generali pædagogiorum omnium concuſſu anno 1572. 19. Februarii, primus denunſiatus) ne ab hoc lycæo ſtudioſam juventutem, quam ad exterâs Academiâs, aut ſurtivas lectiones Philoſophicas ſeducere non valetis, artibus veſtris & argutiis divertite. Vindices præpoſteri: quia hic hoſtis noſter acerrimus LADERSOUSIUS, novus Pharaò in Porco, qui non novit Ieſuitas, nobis magiſtris ejus malegratus Diſcipulus, lanſeniſta Iuratiſſimus: quia iſtic, pudet referre (ut Pædagogium noſtrum exteris vileſcat, vel iſtis etiã inimicis ſuis glorioſum) ignobiles & pauperculi Standonici, nobiliori immixti Iuventuti eodem in Loco Philoſophicas Lectiones excipiunt. Nolite, quæſo, pauperes Standonicos aſpernari, qui forte Sadoles tui eodem vobiſcum Inſtitutore gaudent bono Patre JOANNE STANDONC MECHLINIENſI, cujus Pater ſutor erat. Id enim prætendit D. Ioannes Bouleſe Preſbyter & Profeſſor Sacrarum Litterarum, Sancto Ignatio Coævus, Societatem ſuam ſumere originem non à S. Ignatio, ſed à bono Patre STANDONC Collegii Montis Acuti in gallia, & Domus Standonicæ Lovanii Fundatore: id inquam prætendit in libro ſuo gallico *Le treſor & entiere Hiſtoire de la triomphante viſtoire du Corps de Dieu &c.* impreſſo Pariſiis chez Nicolas de Cheſneau, rue Saint Jacques, à cheſne verd. qui ipſi Gregorio XIII. Pontifici Maximo dedicatus eſt: in quo libro ad marginem fol. 9. hæc annotatio *Origo Sacerdotum Societatis Ieſu, à Collegio Montis acuti.* Et in textu pluribus proſequitur.

Si itaque forte ſitis Standonici Divites, pauperum commiſerantes Sodaliſm, ſi non dimidium, ſuperfluum ſaltem ſeu exereſcentias bonorum elargimini; ne Standonicorum Pauperum PATER RECTOR ad id vos Jure adigat.

DIGRESSIO

A D

Ex. P. PETRUM CLENAERTS S. T. D.

Qui ambulat simpliciter, ambulat confidenter. Prov. 10. v. 9.

EXIMIE PATER

PRæloquium quod ad me in nuperarum Theſium fronte aſſuiſti, quiſquis mecum inſpexit, mirari mecum ſatis non potuit; dum mire Rhetorem agens peroras, *ita me DOCTOREM Baccalauree impetis, ut ſi injurias vellem deſcribere, deficeret ſtylus. ſi prædicare, lingua. ſi ponderare, ſtatera.* Papæ! quanta quanta hyperbole, qua *imaginarias* injurias effers ſupra modum. Liceat hic mihi heſternas tuas geminatas phraſes regerere, *mihi & lectori lapides loqueris, oleum è pumice diſtillas, Æthiopem lavas, ferisquæ aera:* tantâ enim te à me affectum injuriâ, qua ratione querare, non capio. Quod enim vel in ſpeciem injurioſum videri poſſet, unum & ſummiſſum eſt, te tuoque fatente vindice, quod paginâ primi ſcripti mei duodecimâ falſè dixerim, *O infelix aſtutia! quæ teſtes abſentes addibes; vel unum enim de frequentiſſimo conſeſſu appello qui Ex. P. M. Clenaerts à meridie, dum quæ atteſtatur peracta ſunt, præſentem vidis vel audivit:* quod quidem ipſum dum ſiniſtrè intelligis, de te abſolutè dictum *imaginariè* viſum eſt. ita ærem verberas, vel cum umbris pugnas in *campis cuticulendoniiſ.*

Cum enim in calumniola adverſarii mei ſcedula ementitum factum ſine fide, ſine teſte legerem: cum & paſſim Jeſuitas gloriari, & ſpargere audirem, aliam facti ſpeciem penes ſe extare quâ jugularer, quæque incitante & conſulente Ex. P. Clenaerts conſectâ, eoque per omnia primo ſubſcribente confirmata ſit; iis qui primum referebant, fidem omnem non habui; aſſerentibus aliis pluribus, habere debui vel invitus: ſed eâdem fide, id eſt nullâ opinabar hoc ſparſum, quâ primum factum conſectum videram. Neque enim ego te, Pater Ex. neque de frequentiſſimo conſeſſu ullus præſentem notaverat: plurimos facilè duodeenas excedentes, qui in diverſis ſcholæ partibus ſpectatores adſtiterant, acceſſi: qui te ullo ſenſu perceperit reperi neminem, ne modo quidem. Quod enim larvatus vindex tuus aliquot ordine Jeſuitas adducat (cum teſtes alios non haberet) qui fuſioribus ſuis teſtimoniis præſentem te fuiſſe perhibent. quid dilutius & ineptius! Teſtantur Jeſuitæ patrem M. Clenaerts præſentem, ut quæ hic præſens audiviſſe putat, pro Jeſuitis deponat.

Ad hæc ego exclamavi. *O infelix aſtutia* adverſarii mei ſcilicet, *quæ teſtes abſentes addibes*, dum nimirum gloriatur Ex. P. Clenaerts in me tuliſſe teſtimonium, qui teſtium omnium præſentium oculos fugerat. Unicum reſtabat

restabat effugium, quò adversarius elabi posse videbatur: quod prævertens dixi, *At forte v. r. Eximius ad ostium, vel ad cancellos in odeo absens spectator fuit.* Hoc injuriosum nimis reputans reposui: *Susplicari non ausim, quod loco tali Eximius Doctor Academicus mihi Academico in insidiis lateret.*

Itaque Ex. P. neutiquam infami ementiti testis stigmate te honoravi, adversarii mei fidem suspectam habui, quod de absentibus testibus gloria-retur: cum præsentem te, ut testari posses, observaverit nemo. Si tamen testatus fores, quod ægre credideram, testantem quo licuit modo, ipse purgavi, *at forte Vir Eximius ad ostium vel ad cancellos &c.*

Verum cum ingenuè fatentem te audiam. Quod meâ sponte suspicari ausus non essem; scilicet SACRÆ THEOLOGIÆ DOCTOREM AC PROFESSOREM in ultimo Scholæ angulo, post cancellos latitasse, fidem habeo: & auritum te ac oculatum testem lubens agnosco. Interim testimonium tuum, *narrat: vram fidelm & sinceram*, non assequor per omnia.

Eximius Collega tuus P. Pauwens Sacræ Th. D. ac Studii Regens, mihi Præsidique viciniissimus, altè intendens, gestorum optimè conscius, iterato à PP. Societatis petito, iterato negavit testimonium. Tu offers ultro.

Reverendo P. De la Fontaine Societatis Jesu opportunè importunè instanti, in hac ipsa causa attestationem scripto negas illorum, quæ ab Eximio D. Hennebel furtim audita (scilicet quæ ego de Patre Bolck recensueram) quam festinatò licuit (credo quod sincerè & fideliter) Jesuitis detuleras. Contra me & verbo & scripto deponis primus.

Plurimos ego, tum Religiosos, tum Sæculares adii, qui in medio Scholæ consistentes vel Cathedræ viciniore, erectis auribus intentique ora tenebant: Qui tamen utrimque dicta, ne ad dimidium percepisse se uno ore profitentur omnes. Sanè per quam auritus sis oportet, qui omnium remotissimus in ultimo Scholæ angulo vel ad iota percepisti singula.

Qui post te proposito facto iterum iterumq; rogati subscripsère, omnibus spectabiles testes è toto confessu propinquiore, ad unum omnes subscriptionibus suis facti speciem limitant, restringunt, mutant, &c. ad litteram subscribis inter omnes.

Unus motu proprio & Zelo adjungis, *addidit Doct: ssenus D. oppugnans particulam MENDACITER.* Quis illius testimonium requisivit? Ego scè requisivi à pluribus, qui à me additam particulam *mendaciter* perhibere possent: testem secundum inveni neminem, nec inventum iri alterum certus sum, qui testari id velit aut possit. *Sed regulariter minus testimonium invalidum est.*

Sanè ex his omnibus, nemo non testimonium tuum grave olens dixerit: hujus tamen in nuperis Thesibus rationem dare juri publico niteris dum in me publicè inveheris.

17. *Elapsi Junii*, inquis, *dixisti varia. quæ usinam siluisses, res non est leviuscula*

vincula, in consensu publico Societatem Jesu diffamare. Sanè res leviuscula non est, tantum crimen innocenti imponere. Nusquam ego aut umquam Societatem Jesu diffamavi. Indignitas summa est ad hoc genus fallaciæ devolvi, ut illud quod spectatim in Jesuitam unum aliquem conjeci, in omnes generatim Jesuitas & in totam Societatem collata singas. Quæ ratiocinatio si valeat, facile efficietur in Augustinianos omnes dicta esse, quæ in te unum à Rev. P. Josepho De Reux Societatis Jesu Sacræ Theologiæ Professore Thesibus suis Decembri 1688. & Julio 1689. scripta indignantes legimus. Imo si referente eodem P. De Reux Thesi suâ mensis Decembris 1688. *Alium Magistrum haud ita pridem tuum, ordinis vestri magnum Decus, Publicè nominaveris, dixerisque semper fuisse de Jansenismo suspectum.* Jam, Egregie tuorum defensor, ordinem tuum universum de Jansenismo suspectum facis: sin & hic Patrem de Reux pro impostore & calumniatore habeas, jam tuâ dialcticâ Societatem Jesu diffamas, imposturæ & calumniæ notam inuris, *quam fama non patitur sacræ militiæ.* Sic tuo te laqueo induis, tuisque argutis caperis.

Quæris dein, *ut quid unice de tempore loqueris pomeridino, Pythagorici sub urna silentii recondens matutinum?* Quia scilicet vix mihi tecum vel cum ad- versario meo de Matutino tempore lis est: tunc enim præsentem te omnes vidimus & agnovimus, atque ita Ex. D. V. cum reliquis vix quinque pri- mis prolixioris facti lineis subscribentem testem veneramur. De pomeri- diano tempore nos inter questio vertitur.

Attamen, inquis, & à meridie præsens fui in Sodalitatis Odeo; istud ego non credideram hætenus, vix suspicari ausus. Quid! quod *Sacræ Th. D. Histriographi regii Episcoporum Belgis ad SS. D. N. Gloriosi Regiminis Inno- centium XII. Deputati vicarium,* (qui cum non habeat discipulos, utinam vel haberet discipulorum Vicarios) *historiarum Professore publicum in Univer- sitate Lovaniensi, in perantiquâ, Prænobili, ac Celeberrima Ducali Abbatia D. Gertrudis Lovaniæ emeritum Sacræ Th. Exegetorem ipsi Jesuitæ Mas- sio* (multum est laudari à laudato Viro) *Doctorem Academicum ac Profes- sorem Domi forisque celeberrimum, quod inquam talem tantumque virum ad cancellatum antrum, ad scholæ remotissimum angulum relegenti? In urba- rum factum! Quis hoc à Jesuitis politioris vitæ viris expectarit unquam?*

Et ante & post meridiem, ais, præviè dixi, à meridie comparituum me, non tamen argumentaturum multitudinis gratiâ. Si de præteritis augurari licet futura, suspicari debebam comparituum & argumentaturum te. Quoties enim vel eodem die bis, & si licuisset ter-quater, ad disputationes PP. So- cietatis cursitantem vidimus ut iterares argumenta. Et verè si non argu- mentaturus, saltem spectaturus, si non exercitio, saltem *Scholæ Patrum Socie- tatis honori deputatus, utpote Eximius actu docens* comparere poteras, & in sella altiori gravi tuo solito consensu venerabilis spectator assistere. Si de fre- quentissimo Auditorio Ex. D. V. præsentem observasset unus (prout te nuperè

nuperè è suggestu S. Petri ex Pastoralis Epistola, magno cum Zelo utinam & cum fructu convertentem hæreticos universum spectavit Lovanium) nunquam ego exclamarem. *O infelix astutia, quæ testes absentes adhibes.*

Interim, concludis, *animus tibi condono singula.* Scilicet non condonanda. *Et si contingat quod Sacra Facultas Mater mea & sua nolle te ad gradum altiorem admittere, nisi juxta decretum Academicum mihi satisfacias, &c.* Decreta Academica rectius noveris, dum in strictius Collegium Sacræ Facultatis assumptus, accuratius pervolveris: quod quidem te nuper etiam post 20. tantum annos voto publico præsentibus tribus N. N. exoptasse intelligo; sed vota tua prævertat Deus, si modo Academix nostræ & Sacræ Facultati necessarius aut utilis existas. Imo si hoc unquam fiat, ego personaliter primo singulos Eximios, dein totum Sacrum Collegium in Corpore conegatum supplex accedam, ne te ad veniæ petitionem vel aliquam satisfactionem compellat. Quæ gratiarum actione, & quibus beneficiis remunerabor hunc affectum! Unum hoc, Pater Eximie, deprecor: ut quam pro me curam geris, pro me deponas. Quantum enim apud singulos Eximios, quantum apud totum Sacrum Collegium in corpore congregatum, verbo valeas & opere, planè scio. Si quid vales, hi pro te apud Patræ Patrem Perillustrem ac Reverendissimum Dominum CLAUDIUM FRANCISCUM DE LA VIEUVILLE intercessores existant. Ego interim quam tibi satisfactionem debeo, omnem lubens plenè exsolvam: dum quod rogitas Deum pro te veneror, ut nuperum tuum votum ex Psal. 140. propitius confirmet. *Oleum peccatoris non impinguet caput meum.* Sed QUAM MULTI, UT DICITUR, MUTANT CASACCAM!

DIGRESSIO

A D

LARVATUM VINDICEM

Eximii P. PETRI CLENAERTS S. T. D.

Qui malè agit, odit lucem. Joannis 3. v. 20.

Quid lucem times Tenebrio, nocturne aquila? Quid infamem libellum tuum nuperum, quem inscribis *Brevis confutatio insignis calumnix à D. Ladersous Facultatis Artium Professore Lovanii, subdolè, nequiter, mendaciterque impacta Eximio P. ac Magistro nostro Petro Clenaerts in Alma Universitate Lovaniensi S. Theologiæ Doctori & Professore, Auctore Theologo, Academico Almæ Universitatis Lovaniensis.* Quid huic inquam færum tuum,

suppresso nomine erubescis? Neque tu mihi, opinor, tametsi nomen dissimules, neque ego prorsus ignotus sum tibi. *Theologum* te dicis *Academicum*, dic quondam aut verius *numquam*: qui dum larvatum agis vindicem, apertum te prodis calumniatorem. Sane tali vindice egebat Vir Eximius, qui te acrem Philosophum scilicet, egregium Oratorem, & Rhetorem insignem in hoc scribendi genere comprobas, dum orationis tuæ partes apertè concinnèque construens, in *exordio*, *confirmatione*, & *epilogo* disparatas planè causas gallatoriè comminisces.

EXORDIUM instruis *invektivum* in Reverendum Admodum ac Eruditissimum Dominum Guilielmum Vande Nesse S. T. L. Sancti Joannis in Molenbeca & Sanctæ Catharinæ Bruxellis Pastorem. Hunc tu virum, emeritum Theologum, Sacerdotem, in urbe Bruxellensi Parochum, cujus famæ laudique omnes boni suffragantur, quique suo potius nomine quam meis laudibus commendabilis existit: Hunc tu, inquam, Virum *Jansenistam* impudenter dicis, hunc aperti splendidiq; mendacii, per insignem calumniam insimulas; hunc tu, inquam (horresco referens) peritulum ac perjurum caput sustines: dum infami Libello tuo perjurii Dicam palam ipsi scribere non verèris. Tua tibi verba habe & nisi frontem perdidderis, erubescere. *Siccine jam non mentiri modo, sed & pejorare pro nequitie suæ propugnatione. & patricinio à Jansenistis pro nibilo ducitur, putaturque? hæc ille vir solemnī juramento firmare non erubescit, quæ dixisse se negat pernegatque Ampl. Prælati Frigidi Montis.... quodque magis mirèrè Ampl. Frigidi Montis Prælatum mendacem facere audent.*

Quid vero tandem fuit, in quo talem tantumque virum de perjurio culpandum censes? *Paratus* scilicet *est in favorem justitiæ solemnī juramento, si opus fuerit affirmare*, quæ ab Ampl. Domino Frigidi Montis excepisse se testatur. Hæc, vel te faciente criminis summa est. At Vir Ampl. Senex optimus, quem dictorum ætas grandis faciliè immemorem reddit, id à se dictum dato testimonio diffiretur. Ergo perjurii reus & convictus Pastor Eruditissimus? Quid dilutius & ineptius! Argumentum simile quis Rhetor aut Dialecticus effixit unquam? Ut de antecedente nihil repetam, cum ut res se habet, testatus sit Pastor Eruditissimus, quod ex responsione mea ad articulum tertium plus satis discussum reor: similis enimvero consequentiz colore ipsum Virum Ampl. potius, quod absit, mendacem dixerit. Cum ille contra nubem testiam, ut ad articulum tertium vidimus, unus deponat. Ita tuo jure assumis quod nulla juris specie tueri potes.

Verum testetur senex optimus, non repugno. Ergo ut ita sit, necessum est? Ergo falli nescius est Vir Ampl. ergo Pastor Eruditissimus id verum probè scivit, oppositum tamen quod falsum noverat, religioso sacroque jurejurando asseverare non dubitat? Quam hæc omnes bellæ consequentiz: cum Amplissimum Virum inter, & Eruditissimum Pastorem præsentem nemine, res tota peracta sit: sique adeo neuter alterius affirmatione vel negatione, mendacii, aut perjurii postulari possit.

Aliud hietuum flagitium est, dum ita scribis, *quodque magis mirèrè. Ampl. Frigidi Montis Prælatum, mendacem facere audent. Quasi magis mirandum foret, & crimen grandius, hominem mendacem dicere aut dicti falsi arguere, quam ipsum Deum in falsi testem pejorando assumere.*

Nihil istiusmodi reperies penès me. Nunquam ego, quod potiori iure possem, Patrem Gerardum Bolck maledicto tam atrociter vulneravi. Nunquam *perfidia fidei* Sacerdotem insinulavi: quamquam in publica disputatione 17. Junii, ut in primo scripto meo supra 12. uno ore attestantur, IN FIDE SACERDOTIS *protestatus* sit se uni & soli Prælato Diligementi de subscriptione famosi Formularii *semel* occasionaliter esse locutum. Quamquam ipse Amplissimus Prælatus Diligementis in testimonio supra ad articulum tertium relato, numero secundo disertissime dicat: *prædictus* Pastor, scilicet Gerardus Bolck, *sæpius* mecum agit de *Formulari*.

Abstine hic ego in tua verba exclamem. *Habes hic benevole Lector & aquè rerum asinusator, qua Vir ille Amplissimus, Prælatus Diligementis, optima sinceræque fide testatur: & hac tamen egregius Vir ille Pastor S. Ioannis in Melanbeek & S. Catharina Bruxellis D. Guilielmus Van de Nosse* (egregius Jesuita ille Pater Gerardus Bolck) *quidquam magis perfidum, religioso sacroque enimvero iure-jurando* (fide sua Sacerdotali) *infringere, & onerare, quodque magis mirere, Amplissimum Frigidi Montis Prælatum* (Diligementem Prælatum) *mendacem facere audeat &c.*

Ad CONFIRMATIONEM ab exordio, hac transitionis Formulâ saltitas, pagina 4. *Iam ab impacta abs te Eximio Patri Calumnina probationis nostra faciamus initium: & rectè, quia in exordio extra chorum cecinetas hætenus. Ut autem imaginarias ut supra vidimus calumnias diluas, nescio quas novas mihi impingas. Primo itaque aceriori stylo invehæris & me diris omnibus devoves, præ reliquis hoc unum exaggerans, quod ego vix Baccalaureus talia tantaque in talem tantumque Doctorem ausim. Tu, exclamas, Lumbriço qui sub terra repositi hætenus... vab, ut nil te Baccalaureum pudeat.... In sua Theologia quam no dicam, eminus salutasti, mitius istud accipe quam tantisper delibasti, nunquam reperias. Lutum me dieis & facem.*

Quod in Eximium P. Magistrum Clenaerts, quem ut Doctorem impensè veneror, specietenus injuriosum vel calumniosum videri possit, satis superque supra discussum est; à quo proinde superstedeo, ne crambem recoquam. Quod me tantum Baccalaureum dicas & impropetes, cedo: scilicet undecim ab hinc annis usque modo Theologiam Eminus salutavi, vel tantisper delibavi: expleto Vacantiarum Prioris, ut dicunt, munere; plus à sexennio in Celeberrima Abbatia Diligementi Ord. Præmon. Theologiam prælegi. Absolutis jam pridem ad Licentiæ gradum responsonibus, Baccalaureum hucusque persisto: Quid enim gradus ipse vel etiam Doctoralis scientiæ vel Majestatis ex opere operato conferat, in nemine notavi hætenus; quid aliunde auferat, nonnulli usque modo norunt experti. O peretuditos tyrones *lesuiticos*, & Augustinianosi! Quia ipso teste Patre Josepho De Reux Societatis Jesu S. Th. Professore *Tyrones etiam hæc respondentes nostri, passim aquè sunt atati & moribus maturi, quam quidam homines dum gradus Academicos suscipiunt etiam summos, seu Doctorales, & minus habent quam hi condonandum. dum publicè loquuntur aut scribunt.* Teste Ex. Patre Clenaerts in præmonitione Thesium, cui hodie præsidet, qui in ipsorum Schola Triennii cursum absolvunt, Theologiam universam propugnando sunt.

O amicos veteranos Academicos Theologos! qui etiam per undecim annos incumbendo, Theologiam eminus salutant vel tantisper delibant.

Dein Ex. Patrem Clenaerts affantem me inducis. Nunc jam, inquis, aures arrige, atque te increpantem audi Eximium Patrem, ac Magistrum tuum. Prospopeiâ justo longiori per binas paginas verba perdens, resumis actus, quæ in suo ad me præloquio, Eximius Pater Clenaerts mitius fuerat prosecutus: ita ut mihi ad repetitæ cavillationis jejunitatem plura addere, quam quæ dixi modo, non sit necesse.

Denique, quod rei caput est, in hoc nno studium operosè ponis, ut Ex. Patrem Clenaerts pomeridianæ disputationi latenter interfuisse palam facias. Quod ut præstes,

stes, longam, & laboriosam sed inutilem consumis operam, dum testes 7. (qui solemnissimo cuius testamento sufficiunt) *Iesu*as omnes conducis. Hi ergo longo ordine Patres, per binas integras paginas, longis, latis, & profundis suis attestationibus fidem facere prætendunt, *visum à se Lovanii 17. Junii 1692. Ex Patrem ac M. Petrum Clenaerts ex Ordine S. Augustini illo tempore quo habita sunt disputationes Theologica post meridiem* : Et quod mirari satis nequeo, Superaddunt (qua consequentia specie ipsi videntur) atque adeo audivisse eundem Ex Patrem ac M. quidquid dictum fuit à D. De Laderjous & à Rev. P. Alexandro Maes Societatis Iesu Thesum *ea die defensorum Præsida & à P. Gerardo Belch ejusdem Societatis, &c.* O te Vindictam Invidiosissimum ! Dum ita talem Theologum & Jurisperitum agis. Lusum ludis. Dum in causæ tuæ patrocinium Jesuitas testes, cum alios reperire datum non sit, adducis. Scilicet Jesuitæ testantur Ex Patrem Clenaerts *præsentem fuisse, atque adeo audivisse* ut quæ hic præfens auditur, pro Jesuitis deponat. Ergo in fide Rei, fidem suam Testis liberat. Alterum producis testem unicum non Jesuitam, Dominicum Judocum Sco-kæet Canonicum Regularem. Cōtra hunc quidem non excipio, quamvis forte Jure possem, cum illum sciam utcumque faventem & non modico Exi. Patri Clenaerts devinctum Officio, ut suarum nuper Thesium aristarcho. Sed regulariter *unius testimonium invalidum est.*

, EPILOGUM assuis ajens, brevibus hic attestamus testimonium Illustrissimi Antverpiensis Episcopi quo Rev. Patri Philippo De Hornes à te illata calumnia omnium oculis subjiciatur. *statque palam.* Ita scilicet alteram tuam in me calumniam omnium oculis objicis, & reverendum Patrem De Hornes in nupera Disputatione Lovanii publicè sefellisse & imposuisse palam reficis. Tunc enim toto consensu teste, ex quo in ultimo meo scripto tres habes irrefragabiles, publicè, clara voce & constanter affirmavit, Reverendissimum ac Illustrissimum Dominum Episcopum Antverpiensem Famosi Formularis Belgici cum notis & additionibus ad formulam Alexandri VII. juramentum, etiam ultimis ordinationibus prout antè ab omnibus passim ordinandis exigisse : & hoc sibi constare, cum paucis diebus singulis Episcopo adesset, asseveravit.

Illustrissimus Antistes optimâ sincerâque fide testatur, in illo ipso quod reproducis testimonio, quod in ultimis ordinationibus EXCEPERIT Juramentum Formularis. Ab illis scilicet Religiosis, qui ut in sua ad me Epistola scribit Pater VanOuters, parent ultero gaudentes. Ergo prout ante non ab omnibus passim ordinandis exegit.

Illustrissimus Antistes testatur quod exceperit Juramentum Formularis SINE ADDITIONIBUS, ergo non exegit Famiosum Formulæ Belgicæ cum notis & additionibus ad Formulam Alexandri VII. de quo unice nos inter lis erat. Ergo quod Amplissimum Dominorum Examinatorum auctoritate, & ordinatorum passim omnium fide retuli, Illustrissimi Antistitis Testimonio confirmas, Patrem Philippum De Hornes Societatis Iesu in nuperis disputationibus publicis Lovanii 17 Junii sefellisse & imposuisse. Turpe est talibus prædici causam suam tueri vel potius prolitueri. Dum hic animosius insultas, ubi manifestius tenetis. Sed hac de re plus satis dixi ad articulum II. in Symbolo II. Mendaciorum Patris Alexandri Maes, quod nuper exhibui. Ad quod quidem ille, utpotè fidei optima, cum ad causam pertinens non habeat, vix etiam lineatum Impertinens reponit impertinentissimè. Sed, EST MAES. Saus dixi.